

丙子元旦試筆一九九六年

漫天微雨送寒霄，一著桃紅又歲朝。七十餘年依舊我，萬千深願尚如潮。忽傳海外聲頻至，細聽兒孫語帶嬌。且喜花前偕老伴，一時忘却異邦遙。

上元節夜

歲序分夷夏，乾坤自古今。上元燈火夜，萬里水雲深。花好撩人語，酒香待月臨，依稀年少日，無限故園心。

黎丈晉偉居頤養院多時在寂寥中迭寄海角心聲多章因步其中之知足常樂安分無憂元韻奉酬藉作問候之意

春光如畫又同過，漫管浮生有幾何。難得隨緣俱笑靨，未妨凡事認初哥。順天安命纔居易，寫字讀書自琢磨。所願人人齊壽世，街頭常見賣花多。

陳荆鴻鄉丈逝世三周年懷及丈之先德緯南公平生世澤

好仁者長壽，好書光北斗。明清至於今，吾邑在多有。龍山緯南公，卓然居榜右。學富兼歧黃，筆神亦顏柳。詩禮以傳家，堂堂裕其後。庭訓出蘊廬，繼述自有守。家學固淵源，聰明亦天授。英年即大志，東西南北走。碣石廣登臨，名山尋二酉。春秋多佳日，碑林拜曲阜。京滬多鍾張，相逢常對酒。到處墨流緣，可速亦可久。章草尤稱雄，數菴堪敵手。濡毫還入畫，早事溫菊叟。松柏作其朋，山水爲其友。合詩成三絕，溫柔而敦厚。立雪滿門前，循循力善誘。片楮世同珍，寶之如瓊玖，真不讓右軍，兩番寫癸丑。真得配仁者，臨池到白首。真得光家邦，喬梓齊不朽。

爲溫金滿居士題劉大明畫滕王閣圖卷

畫棟珠簾隨筆開，未須風送與時來，心明自有長天地，一物俱忘論鏡臺。

鄉丈羅時憲亦儒亦佛精研乘典卒期年哲嗣德光兄以丈之遺書兩篋賜讀有作願了往瑤天，人間又一年，千秋遺手澤，什襲滿芸篇。豈意將相贈，傳家有象賢。悠然忘隔世，展讀在風前。

老瑞松鄉士書畫展於濠江瑞松營學詩於南海吳天任學書於鄉丈黃維琚學畫於鄉丈關應良一枝妙筆競春生，六籍同功法並行，煙雨松山詩亦畫，濠江正好會鷗盟。

仲春之夜大良登林猛醒康樂中心同賞爲慶祝順德建市四周年大放煙花後市拓新猷慶四年，鵬程無限賴同肩。歡聲齊起揚中外，煙火連環氣萬千。五色繽紛方此際，一時憂樂憶從前，憑闌抹眼鄰相望，愧我無言對祖先。

湯丈國華新居華絢草廬落成與鄉士多人應邀專程勒流道賀承設席東海魚舫款待并紀餘興日午輕車過勒流，溪邊道左芳園遊。一堂氣象天同壽，遍地春和綠似油。既拂玄風花並好，復於畫舫酒相留。興餘還遂臨淵願，網得魚歸藉福求。

次韻壽多城湖楓詩社社長陳浪平七秩壽慶陳翁任職保險業今春秩滿榮休我亦他鄉久客身，幾牀明月幾襟塵。羨君忠信能行遠，載譽安全復守真。世外別栽三徑菊，湖邊不異一綸巾。從心所欲逢辰日，詩酒琴棋喜倍親。

十萬山人孫星閣丈百歲而卒百日後其哲嗣中宏先生屬爲題丈之墓表敬事之餘書此十萬山中有道山，山人歸去位仙壇。雲騰無極天同壽，草長靈芝土亦安。難得賢郎敦至孝，敬將壟表命書丹。願期松柏千秋共，永藉英靈毓桂蘭。

趙師少昂達和晉院調理往候時暮春之日與趙世光胡昌碩等欲暖還寒日，鶯花漸老天。忽驚蟬媽室，暫擱嶺南箋。頗效隆中臥，而非市上眠。同期占勿藥，早日復安然。

題羅鶴鳴疏篁樓詩詞稿集

天池世學筆生花，六法專精又八叉。薪火自饒摩詰意，粉鄉況近獻章家。幾回雅會留春酒，無限嚶鳥愛晚霞。一卷疏篁君子氣，平生淡薄是繁華。

紐約四海詩社張病知社長九秩壽慶有詩屬和寄呈

如柏如松並大年，心同日月道同天。爰將至孝承先志，每值嘉辰付吟鞭，知己多逢來海內，題詩自是盡珠聯。愧吾萬里徒瞻望。未及登堂頌壽篇。

學海書樓前任主席香港何氏宗親總會創辦人至樂樓主耀光宗文九秩壽慶有詩屬和即呈

富而好禮滿人間，至樂原來亦不閒。五桂枝蕃香益遠。文有子女各五人孫二十餘人俱學有長事業有成一樓書有讀難完。立功立德昌言善，如柏如松耐歲寒。此日華堂希郭福，仙翁信亦羨塵寰。

初夏應洛城晚芳詩社寄題並呈愉社雅集二十周年晚會同座

春歸花不落，雨後倍清和。日麗山俱醉，林陰綠更多。池塘香有訊，妃子笑相過，何以驅炎熱，青茶一放歌。

星洲新警詩社社長張濟川有預祝一九九七年香港回歸中國之作見寄賦此答之

往事悠悠紀政刑，內憂外患數難清。虎門一戰尤遺恨，白下之盟痛不平。公元一八四二年在清道光二十二年百五年來攸國運，一朝夢醒響天聲。同心待得珠還日，安定繁榮賴眾擎。

翁祐博士嘉邀鄉士多人同乘座駕豪華汽艇遨遊港海

環山如帶浪如銀，天賜吾儕一滌塵。舉目同流千里意，回頭且笑百年身。輕舟相逐鷗羣似兩岸分明物漸新，鯉峽滔滔多麗日，迎來送往向由人。

贈李汎萍丈往加拿大雲高華畫展丈爲太極拳長者擅山水有黃河萬里圖巨製

亦文亦武亦猶龍，萬里黃河筆更雄。今日畫船楓國去，交流喜見會西東。

南雄韶關遊與宗親一行三十三人應

珠璣巷後裔聯誼會族長之邀登梅關

古道天開南北通，蒼茫雲海目無窮。巍峨梅閣千峰上，指點神州萬里中。到此應忘分少長，問天曾過幾英雄。松如揖讓花如笑，似爲吾來更扇風。

訪珠璣巷宗親有三百餘人此地位於沙水村內

地靈人傑古雄州，先世南遷說不休，聚族尚多沙水住，順天安命樂悠悠。

三影塔本名延祥寺塔建於北宋公元一零零九年位在

南雄博物館側日久寺廢獨存此九級浮屠卓爾一方

寶塔千春壽，風前一佛燈，佛燈長不滅，聞道待歸僧

丹霞山別傳寺爲清初康熙年間開山祖澹歸禪師所建上踞海螺墩下橫錦石巖一巨壁

刻有紅塵不到四大字惜忘記題者姓名惟當時細雨霏微益增湖山景色叢林靈氣也

別傳寺拜澹歸前，錦石巖驚大自然，正信紅塵飛不到，忽沾法雨悟無邊。

南華寺壁間多前人登臨題詠中有明末崇禎乙亥公元一六三五年吳江葉紹顯七

律一首云一滴曹溪五派開瑞雲琪樹護香臺幾年臘隱傳衣後此地壇經轉法來月

寂風幡無動相山空花雨淨塵埃還思三匝當年事攬轡聊同一宿回余低徊讀後敬

次元韻以志此行之緣時逢蒲月初一日寺內正多僧侶繞佛誦經益生歡喜之心焉

歷歷南宗此地開，流雲宿雨遍階臺。千秋衣鉢神如在，一樹菩提別有來。難得茲辰逢朔日，同尋祖誼惹塵埃。何時行篋能重整，與眾將頭是岸回。

香港科技藝術交流中心開幕爲周朗山先生之嗣君耀祺題

源流遠溯指南車，游藝功同造化如，自是日新隨月異，盡天之道博於書。

叔惠宗長月來違和一度住院調治因久未聆晤念念今晨忽蒞止早茗之會並出示病中吟草盈篇別有奉答雲城關少石存問元韻乙章喜其勿藥將不遠矣卽步此呈之

藥鼎當前不廢吟，羨君向秉大夫心。念維釋部應無礙，腹有靈根不用尋。天子小休容豹隱，奚妨高臥暫門深。龍城指日金風起，明月又窺鼓瑟琴。

丙子七夕爲馬來西亞霹靂怡保山城詩社雅集寄題

天上雙星會，人間幾夢中。鵲橋橫碧落，仙袂拂金風。秋水原無界，彼蒼本至公。如何牛與女，一歲一相逢。

李文雲谷伉儷九秩晉一雙壽有詩自德見示並謂余生花朝前一日內子生中秋前三日故引爲

花辰月夕歲有詩自壽云因次韻寄賀又丈大年猶喜杯中物飲興未減

花滿良辰月滿樓，學宗老氏又添籌。每沽旨酒多乘興，常爲蒼生並解愁。叶得芝蘭光世澤，自俱松柏沐天休。九齡便晉期頤爵，分潤餘羹預拜求。

鄉彥梁荔夫自穗來書謂廣州市今歲舉行城慶屬題以詩

星分南斗耀佗城，粵秀連峰起地靈。鎮海樓頭天浩蕩，飛霞洞外瀑瓏玲。民生永賴珠江水，德教長流漢代經。歷歷千秋人傑出，雄心壯志步雲青。

前題次越秀文藝主編梁儼然先生廣州城慶二二一零年紀念元韻按史記爲始皇三十三年

秦兼天下卅三年，正定南方第一篇。百越源從虞夏遠，五羊名接楚庭傳。江山歷歷詩中畫，人物堂堂代有賢。環市雲林誰是主，群英無不讓紅棉。

消暑

平居安澹泊，自可卻炎涼。獨坐敲冰飲，朋來煮茗嘗，頗憐書少讀，差幸體粗強。一扇還如我，舍之事亦常。

孝經淺釋寄湖南益陽市會龍詩社社長王子義回賜以詩步韻謝之
同道爲謀室爲名，天涯難得結詩盟。滔滔心願俱無盡，落落神交倍有情。誰省讀書通活用，還將受業夢常榮。天經地義如敦化。四境祥和氣益清。

孝經淺釋寄杭州清音詩社社長吳亞卿回賜以詩步韻謝之

如玉如金謝熱忱，臨風拜誦望雲深。果符所許能裨世，彌覺相知貴在心。愧我棲遲出少賤，羨君博雅富清吟。願將儒學融詩學，寰宇人同匯德音。

師尚老人令孫岑詒立外遊過港小敘賦贈

山堂拜首恨緣慳，忽會龍孫頓展顏。雅號古琴詒立自書樓名和樂作，勝遊高麗道遙還。市樓小敘桑麻話，意氣同溫茗盃間。一座早欽繩祖武，家聲光大滿鄉關。

訪侯黃丈相華年方九十有六於元朗博愛醫院安老院喜丈猶健飯健步

萬里秋雲草漸黃，車過粉嶺望前方。移時若造興周世，一座分明養老堂。飯後自當彌健步，居之彷彿坐禪牀。油然喜共閒閒日，細話惟關是壽康。

馬承寬鄉士自美東紐約回展水墨國畫於香港大會堂賦此賀之

墨流山色水流雲，道氣禪風不易分，似是乾坤初誕日，半爲仙境半凡塵。（借一韻）

湖月爲健社五三零期課

一湖月色水中天，多少嫦娥浴自然。柳影重重如欲睡，蛙聲處處卻遲眠。沿隄極目燈三五，曲徑通幽石斷連，如此清風橫白露，何妨攜酒學坡仙。

丙子中秋

萬里澄明一色秋，冰輪浩浩御雲流。舉頭欲借吳剛斧，揮手還尋蘇子舟。采得桂枝償宿願，待攜魚酒佐清遊。姮娥可有思凡意，夜半無人下九洲。

葉哲豪繪錦鱗圖屬題

金甲又紅袍，春江三五過，似曾經百戰，此日享清和。

關宗漢鄉丈詩書畫集屬題

烏篆蟲書入畫圖，春風時雨長花鬚，詩中更富容山色，三妙琅琅冶一鑪。

鄉丈李棧仙近次客臘輓曲齋於穗韻丈歿於夏曆九月初三日春秋九十

鑪峰有幸會書樓，學海無涯幾度秋。座上時逢詳甲骨，燈前閒話亦風流。

文有印章刻文曰
人生八十巖風流

正

期北斗千春煥，忽黯南天萬里愁。深慟二難方隔歲，聯芳塵榻兩空留。

林湖奎畫展

觀象還觀法，蒼茫氣萬千，無窮摩詰意，無盡嶺南天。

美加第十四行偈內

揮手又雲程，秋風萬里聲。故園方菊會，北美亦詩鳴。久客憑忠敬，同心望太平。人生貴隨運，何處不逢迎。

洛城富春樓與季兒媳孫輩晚膳之後記此

一彎新月富春樓，戶外車聲似水流。花好未隨楓漸落，人誰還賴酒消愁。廚供盛饌兼香味，節近重陽兩白頭。坐對兒媳無不語，甚時能遂厥孫謀。

重陽日從洛城赴多城機上

扶搖而上渡重陽，顧此登高意倍強。似水流雲紅日近，如花侍女素衣香。心同往昔敲詩起，茶進當前作酒嘗。晝夜時忘時假寐，怡然一覺又他鄉。

安省北部行有感

夾道楓林赭亦黃，歲寒松柏鬱蒼蒼。驅車驟覺登無極，踏葉分明詣朔方。頗羨山居多裕暇，

若忘世事有滄桑。人間應可存同異，日出東西各沐光。

安省中國美術會同人約會愉景山莊酒樓晚晴詩社同人約會太平洋酒樓湖楓詩社同人約會

潮龍城酒樓賦謝

楓葉飄飄遍地金，如鈿如剪擲仙林。一年好景霜天月，滿座高朋上國音。對酒當歌多念舊，行雲流水總歸心。樽前若問今何夕，情比安湖有更深。

訪晤長孫於其就讀之滑鐵盧大學書此勉之

北國初風雪，如銀灑學城。宮牆分甲乙，桃李歷陰晴。有教雖無類，無荒始有成。吾孫須奮勉，莫負展鵬程。

洛城華埠漢宮酒樓雅會晚芳詩社同人暨梅花詩社同人

依依楓國去，又到洛城來。前度秋風好，今逢雪月開。東西無二日，文物本三才。詩酒鳴琴會，天涯亦快哉。

梅月呈愉社雅集又健社雅集

遙遙香雪海，嶺上占先開。疏影千江夜，群仙一鏡臺。小春天漸冷，何處地無埃。難得黃昏候，飲吟共往來。

懷庸鄉丈家先生設席鑽石酒家宴寶山山房主人楊善深大師暨其門下春風畫會同人叨陪

梅花有訊小陽初，一座春風笑語豪。今夕仿芳桃李會，當前誰並寶山高，好叨分潤先生饌，愧未服其弟子勞，老我嶺南亦門下，論書論畫卻皮毛。

仲冬前二日過大道中誤踏某銀行門前鋪板跌倒創傷頭部幸及時送院救治縫針十二而歸

日行千步本尋常，老眼如何忽誤張。錯踏短街橫薄板，便將賤體跌當場。移時身自醫房出，頓悟殃為孽債償。一念平生迷惘甚，多勞親友問端詳

良久未晤文擢念甚忽於冬至次日叨陪翠悅茗樓雅會中承問賤體跌傷事書此謝之並呈同座
杖藜強步喜君來，吾亦劫餘眼半開。未免相憐俱老矣，還勞垂問爲誰哉。茶香轉笑心無礙，
襟素仍防袖惹埃。展望燕歸期不遠。願同詩酒接春臺。

古箏

震耳欲聾數不清，誰家獨對古箏鳴。朱絃玉柱秦時月，流水高山大漢聲。方似樓頭新怨婦，
忽如塞外正塵兵。何年更化凌空響，引線乘風別有情。

讀林近書畫篆刻集後賦謝

世系逋仙韻自香，亦書亦畫早非常。雲因留素源同出，法到操刀力倍強。一葉一花涵雨露，
模秦模漢叶陰陽。羨君真得窮神變，一卷環齊天地長。

用前韻賀墨耕樓主林聖錦五十年回顧展於加國多倫多

世系逋仙日月長，墨耕栽出百花香。範金比玉皆相益，入妙通靈倍異常。積健爲雄行愈遠，
不知將至老彌強。數符大衍欣回顧，國粹堂堂萬里揚。

賀歐華詩人協會成立寄法國巴黎

海外廣嘷鳴，同歌大漢聲，春秋多麗日，盃酒頌昇平。

北京孔凡章丈丁丑迎春曲十二首讀後和其首尾二律寄呈

一年寒盡我何關，詩債惟餘似箇山。半世紀來浮海老，幾番心願學鷗閒。逢場作興情依舊，
琢句無方字每刪。畢竟春眠能覺曉，桃花與我又開顏。

前題之二

雞犬何時並不驚，家家歡樂以詩名。十分春色花皆好，萬里江山路盡平。醉飲屠蘇天不夜，
漫遊芳草日方晴。自強還賴同行健，莫負欣欣錦繡程。

丁丑述懷是歲生肖屬牛 一九九七年

頻年增馬齒，轉瞬又牛至。力匹二虎強，兇馴則各異。因知執耳難，後依亦不易。俯首效甘爲，又乏此氣志。扣角難上難，雞口寧一試。匆匆歲月過，騎之待策驥。爰憶少年時，既昧耕稼治。可憐當讀書，負薪掛角棄。即未淪喘月，總是不成器。生幸烏捷似，心惟未敢恣。到老賴粗安，室家勝棚寄。寒夜念王章，溫暖謝天賜。兒孫漸長成，愧仍舐犢意。舉首望春雲，徯徯自不置。遙想鄉國大，犁鋤好將事。先民鑿井飲，男耕女槁筭。女織男采薪，童子牧笛戲。田園樂無窮，信乎天所示。

春衫爲健社五百三十四期課題

七度牛年幸守身，未忘襤褸念慈親。春寒卻每仍衣敝，少賤難求一襲新。旅食時懷縫密密，青衿徒惹夢頻頻。於今遊子頭都白，冬盡常惟拂袖塵。

李君銳祖善製竹以文玩一方相贈上有林近大師隸書友直諒友多聞之句邊款浼家幼惠楷

書盧君廣基刀刻此物雖不盈尺卻珍同拱璧賦此謝之

遠宗早傳經，君以製竹名。經爲道可道，竹製精益精。虛心像君子，君真同其情。亮節若高人，君復俱其形。取物性相近，製琢顯溫馨。豈惟資清賞，有可並絲鳴。多君一片賜，拜受喜不勝。象齒平上下，神采倍堅貞。中刻近翁書，莊重更非輕。小楷爲賤署，有勞幼惠兄。盧子爲奏刀，游刃正發矚。翕然四美具，鏗然饒有聲。藏之垂永好，補我胸無成。閒來一摩挲，興比擁書城。百年遺子孫，更以此爲榮。

仲春之日督轅仍循往例開放一天供市民入內賞花衆以此爲歷史性最後一次故頗躋擁

百年一屋對兵頭，植物公
園俗名入主當皆碧眼首。花落花開隨水逝，春來春去似雲流，明知指日關門走，尚許閒人到此遊。今古繁榮都是夢，杜鵑畢竟可知羞。

新加坡新警詩社四十周年社慶張濟川社長賦詩二首次韻寄奉

南洲歷歷起新聲，不惑年華壽世情。歌也有思皆所自，齊之以禮倍均衡。蕉風椰雨鳴天籟，人傑地靈立德名。樂以發和騰四海，羣賢畢集嘯獅城。

前題之二

言志年年道不孤，相求相應復相扶。興觀羣怨無邪思，談笑往來有碩儒。豈止千篇和斗酒，還於八法溯河圖。洋洋堪並名山業，萬世流傳字字珠。

清明

細雨霏霏候，杜鵑處處聞。茫然懷北壘，深愧到南陔。往事真流水，微吟亦債臺。故人忽入夢，攜酒抱琴來。

香港中國美術會同人雲泉仙館春楔雅集自一九九三年始今爲第五屆矣

上巳蘭亭繼，坪峯又一時。流風仍往日，杯酒約相知。憂樂忘今昔，江山盡畫詩。珠還將指顧，安定更齊期。

暮春步前韻應多倫多晚晴詩社寄奉

鶯飛草長日，雲斂雪銷時。寰宇風回暖，無江鴨不知。花邨思買酒，曲水欲題詩。俯仰皆吾有，云乎安可期。

順德建市五周年慶祝大會連串節目參觀後

政教飛騰忽五年，百花齊放正中天。民生自賴勤勞得，國粹尤能接勵研。水陸龍羣徵盛世，繽紛煙火耀無邊。市民百萬同今日，歡樂聲中頌向前。

春雨

點點潤如酥，絲絲亦畫圖。杏梨皆玉箸，桃李遍銀鬚。願世屋無漏，因風物盡蘇。乍晴過酒

國，紅粉喜當爐。

昂平省先慈黎太夫人靈龕外姑吳楊太夫人靈龕後登參天壇大佛下山遇雨與多位眷屬
煙雨蘆山上，迷濛俯下方。東西笑不辨，龍象亦深藏。行健思君子，知津便法航。回頭忽蘊
淚，二老隔天堂。

輓鄉彥蘇文擢歿於穀雨之日

宮教家風世所欽，東坡生日幾高吟。興詩早既張鳴社，如柏該當並孔林。豈意徒嘗康子藥，
空勞請禱仲由心。何因太上終無顧，痛令天南失鐸音。

壽劉春草鄉彥七秩寄馬來西亞

世系漢胄，學宗文宣。達己達人，樹人嫡傳。（春草乃陳樹人先生入室弟子）精研六法，鐵硯磨穿。神參

造化，筆大如椽。胸羅丘壑，墨瀋魚鳶。一花一葉，乃蘊禪玄。以成教化，以啓山川。嶺南
光大，氣溢雲泉。篤敬州里，旋棹南船。弘揚國粹，愈遠愈專。（作品書展世界各地）遍及寰宇，共

仰博全。行重忠信，品盡璿璇。用襄善舉，德壽之源。從心所欲，期頤可尊。欣逢令旦，堂
滿子孫。花香日煖，天奏仙絃。桃觴競獻，嘉賓蟬聯。九如齊頌，松柏長存。

詩人節應法國巴黎歐華詩人協會命題賦寄

一卷離騷在，千秋海外傳。悠然懷故里，彷彿見龍船。哥姐爭謳頌，鼓旗競凱旋。年年同此
日，杯酒又詩緣。

劉悅笙國畫展賦賀

彩筆一枝欲瀉銀，曹衣吳帶出凡塵，此中自有顏如玉，不是安仁便太真。

徐淦先生賜讀其尊人又陵公遺著小閣樓詩集後

亦儒亦佛亦詞宗，異代依稀見若翁，一卷永言傳不匱，溫柔敦厚足移風。

扇

便面蘊玄機，一揮像令旗。鍾馗驅鬼日，諸葛出師時。如月閨人怨，臨風學士詩。只須防點火，心靜倍咸宜。

咬荔

日能三百啖，誰不羨坡仙。綠掛增城樹，紅垂妃子涎。宜詩俱酒意，入畫像珠連。況值端陽節，會當龍眼前。

李丈壽堅回居原籍三水多年頃接來書云及日前老病今已康復并賜以詩次韻謝候

忽奉瑤箋賜，油然一室香。猶龍真翼鏢，時丈巳年方九四 繡虎倍鏗鏘。情比雲天遠，神同夏日長。

怡如見君子，願學養生方。

回歸與我寫於出席香港特別行政區成立典禮後

少小離鄉去，輾轉漸忽忽。一九三六年余方十六歲赴穗翌年抗戰軍興一度回鄉避難及城鄉俱陷乃復赴穗至一九四三年挈眷赴澳門 獨紀香江來，

值甫克倭日。有幸妻兒俱，未敢怨斗室。戰後此餘生，俯仰惟務實。幾歷風和雨，指有不勝屈。總賴勤與儉，僅足諧琴瑟。況喜有慈闈，常爲我念佛。信復叨宗德，自律慎無佚。良朋自天下，兒孫漸繞膝。而今兩鬢霜，鄉音仍未失。顧此東方珠。寶藏仗同掘。坐閱此滄桑，久客安蓬華。天道總循環，終見振史筆。聯合欣聲明，原主接歸物。樂樂普天慶，與眾迎九九。六月三十夜，精神倍洋溢。深宵登大堂，龍騰接七一。燈光如白晝，天宮堪彷彿。萬國衣冠來，主賓盡黼黻。地利配天時，和氣兆貞吉。親親夷裔下，國恥連根拔。親證特區成，紫荊如雲密。一國行兩制，政經多輔弼。明天氣象新，鑪峰更蒼鬱。願我炎黃孫，正氣本文質。愛港愛祖國，崢嶸齊屹屹。面向全世界，崢嶸齊屹屹。風前卻自憐，平生事業似捫蝨。垂老更何求，嚶鳴止木伐。芝蘭同氣菊同逸。

賀洛杉磯晚芳詩社社長譚明夫榮膺北京中華詩詞學會主辦全球性慶祝香港回歸祖國詩詞比賽大會季軍該會詞長王福揚黃宗晃同時獲得佳作獎狀是次參加人數達二萬五千詩詞逾五萬章譚社長參賽作品回歸頌調寄定風波乙闋獲此殊榮該社復入選九名組織獎之一為頌回歸賦八又，堂堂冠蓋滿京華。普天同慶開新紀，薄海騰歡放百花。二萬五千都漢裔，一科三傑出南加。晚芳名字還登榜，倍顯僑賢愛國家。

賀譚明夫社長伉儷金婚

華堂雙璧夙雍容，乾健坤貞日月同。宜室宜家齊有道，鼓琴鼓瑟樂無窮。百年好合欣方半，五代僑居喜永隆。葉茂枝榮光世運，待看花燭慶重逢。

七七、六十年前今日

今日是何日，誰曾共此時。艱難方國步，侵畧痛緞夷。生死瀕無定，存亡幸有期，恩仇從此泯，老我尚猶疑。

匝月以來暴雨連綿有成澤國者周日忽晴樹兒驅車上水馬會偕內與孫正謙文禮

連天暴雨幾成災，忽展德陽笑眼開。一路林陰多舊識，雙魚河畔我重來。喜同老伴忘憂樂，坐看兒孫滌熱埃。浴日舞風齊戲水，池邊不讓小蓬來。

雷雨之夜盛夏初秋之間淫雨連綿之非常現象據云謂自一八八四年設有天文台以來之最大夢中雷雨起，仿自出窗前。霹靂疑崩岳，閃光意燭天。滂沱驚驟至，災害懼相連。竟夕風無定，幾家有未眠。

秋野

初秋暑氣未全消，雨後郊原試腳腰。行止依然當熱浪，登臨可信漸高潮。籬花似約沽村酒，野草如招過板橋。落落湖山何最好，宜詩宜畫是漁樵。

萬國藝術專科學校校長周世聰書畫展作品中有百蝶圖題誌云世聰寫百蝶君任補景成圖當時未卽題誌一擱至今四十餘載而君任亦去世三十六年矣檢視遺作不勝感慨繫之云云
翩翩粉蝶舞花間，趙管當時滿笑顏，四十年來薪火繼，喜逢香海慶珠還。

香港崇正總會周世聰書畫學院建於原籍紫金縣落成開幕屬題

如畫江山耀紫金，才賢代起配天心，承平別有管姬出，游藝依仁惠士林。

孔平孫師生印集聯篇附馮康侯集外遺珍按馮翁創有南天印社廣雅書學社

方寸尋常萬象羅，魚文鳥跡顯精磨，南天廣雅傳書學，啓後承先與日多。

輓傅靜菴丈歿於穗市丈早年流寓香江多領騷壇文望共仰爲至樂樓叢書中嶺雅之顧問

嶺雅方開廿四期，佗城北望正神馳。忽傳薤露騎箕尾，深痛蒼天奪我師。回首冬殘鴻社日，題襟春暮錦山時。那堪一夕西風急，至樂叢書失護持。

秋節前回穗喜晤李五湖教授梁松生詞丈梁荔夫鄉丈伉儷周永康鄉丈暨其壻林鈺源夫婦

序開秋宇近蟾圓，坐對雲山氣浩然。茗畔喜逢新舊識，風前恍結佛仙緣。琅琅詩卷相將贈，冉冉書香互接傳。難得片時珍重甚，放懷不語海桑田。

僑泰詩老王誠重陽雅集有詩見示次韻寄答

一年佳景又重陽，載酒題糕喜共嘗。莫道古風賡不易，正開兩制更非常。還欣枝葉皆同氣，無礙天涯各異方。歲歲願俱仍舊貫，偷閒學得笑人忙。

浙江溫嶺市詩詞協會九七詩詞年會暨松門鎮重陽詩會舉行詩書畫聯展徵稿賦寄

溫嶺天聲文教昌，松門古塔慶重陽，欣逢九七珠還頌，游藝依仁並桂香。

澳門中華文化藝術協會主辦澳門回歸祖國倒數二周年書畫展覽

春去秋來四百年，松山濠鏡任雲煙，中華兒女今非昔，收拾金甌正共肩。

孔誕次日三水市森林公園大成殿開幕與香港孔教學院同人及中外儒學界共百七十餘衆聯袂應邀前赴參與其盛

勝地合三才，森林聖域開。檣星橫眾殿，泮沼築高臺。仰止茫無極，登臨感大哉。悠然興夙願，忠恕萬邦來。

順道訪李壽堅詞丈於西南社會福利院

一別多年只雁通，一時安宅喜相逢。窗明几硯秋風日，籟爽園林鹿野蹤。執手欣聞常染翰，駐顏彌覺老猶龍。慇懃互贈無他物，信最難忘是笑容。

陳公望鄉文雲桂韻語屬題丈前時賜鱗鴻往復集衆吟箋

學宗孔氏喜聞三，千載悠悠並禮參。自我鳳城開邑治，君家獨瀆領江南。芸篇乃必多言志，教化將垂作史談。無限瞻依雲桂路，鱗鴻往復尚酣酣。

青馬大橋爲健社雅集第五三九期課題

一橋橫貫馬灣東，西接嵯峨大嶼雄。因地盡天開大道，惠工通賈駕長風。四時不受舟行阻，極目無虞路有窮。勢若游龍形似陣，朝朝暮暮彩雲中。

九龍彌敦道嘉利大廈火災周年悼念

大廈位於彌敦道二三三至二二九九號是一座十六層商業樓宇地下國貨公司不幸於去年十一月二十日疑因修理電梯不慎引至五級大火災情嚴重經滅火進行二十一小時始全熄因受焚至死者四十八人受傷者八十二人按香港於一九一九年火燒馬棚今馬會原址死亡千餘人爲最其次爲一九四八年火燒德輔道西永安貨倉樓上有住宅亦延燒兩日始熄死亡百餘人傷者不計其數記載於順德詩徵第四二四頁及五二七頁則火災記錄今可列第三也

一炬馬棚又永安，每懷往事尚心寒。如何此劫還重演，是否人爲可有干。烈烈悽聲當亂叫，

星星之火失疏看。可憐人物俱灰燼，痛令交親淚怎乾。

題李研山先生臨清溪老人江山臥遊圖卷爲呂樹英鄉士得自區季謀轉贈先生乃香港中國美術會創辦人於今三十九年而卷則作於五十八年前

山高水長萬方同，展卷真如見研公，忽念當年倡美術，承先啓後振儒風。

步小山居士潘新安太平山茶亭小坐兼續陳泰階鄉丈雅音時當世界各地起金融風暴，一亭風月好摩娑，百載鑪峰轉眼過。所願萬方殘雨後，同迎來日樂天多。還將諸事花齊放，莫令羣生蟻一窩。北望雲山心倍切，相攜大道進康和。

宋六家詞選輯爲梁儼然題按六家爲樂安柳永高郵秦觀眉山蘇東坡歷城辛棄疾襄陽劉過義興蔣捷儼然先生鶴山人居穗歷任越秀文藝主編嶺南松濤詩刊主編聯海論壇主編等書城坐擁筆生花，一代詞林選六家，相感真能傳異世，千秋並列史精華。

宋王臺懷古爲健社雅集第五百四十期課題附記

宋王臺乃宋朝末代王喬益王趙是衛王趙昺兄弟二人流亡曾到此海濱之遺跡當時是建在一小山之上附近復立有二王殿以紀之爲清嘉慶十二年公元一八零七年重修至鼎革之後爲當時棲遲於此之耆宿東莞陳伯陶張其淦番禺吳道鎔汪兆鏞增城賴際熙新會伍銓萃等時集此憑弔唱酬乃公元一九一六年刊有宋臺秋唱附有畫圖一集及受日本侵佔時遭於戰火從此山夷臺毀只刻有此三大字之巨石幸存得以移立於今日啓德機場附近之公園龍城留一石，尚刻宋行都。秋唱懷前哲，微吟斷幾鬚。江山原不老，趙帝卻窮途。千載興亡事，空餘此畫圖。

禽災歎

當局以月來連續發生禽流病毒傷人有至死亡者亦本港百年來所罕見乃先立例禁止外來離隻繼而下令殺盡本港現存離隻達一百三十餘萬頭將之投入填土區內

一語禽流感，當場百萬誅。此時非棄市，悉數像坑儒。天白將誰唱，仙昇贖犬俱。高僧超渡

日釋永惺法師為
亡難設壇超渡農牧倍欷歔。

耀光宗丈囑題至樂樓讀書圖卷鶴山李國明繪畫

安仁安宅築山居，至樂之中在讀書，古道照人千萬卷，風前月下展三餘。

清暉園建於清代道光年間與番禺餘蔭山房東莞可園南海十二石齋並稱嶺南四大名園
鳳山不讓禺山尊，地接東南（東莞與南海）開四園，桃李春風秋月夜，樓臺燈火互荒墟。

前題之二

鐘鳴鼎食溯乾嘉，曲檻迴廊徑百花，金馬玉堂圖百壽，一書一畫紹龍家。

前題之三

歸寄為廬事已遙，歸寄廬三字乃嘉慶
間進士龍元任刻題綠雲深處認前朝，硯齋花館依稀是，多少人曾過小橋。

前題之四

玉堂春（樹名）伴老棉雄，花落花開任好風，莫道滄桑曾幾歷，林陰鳥影滿池中。

羅冠樵鄉丈伉儷金婚八秩雙壽賦賀

文采流風起鳳城，鴻光歲歲與松青。鼓琴鼓瑟人如玉，宜子宜孫福滿庭。畫到齊眉情倍篤，
觴稱上壽酒彌馨。百年好合今方半，預祝期頤康且寧。

一九九七年除夕與順德聯誼總會青年組同人於九龍君爵海鮮酒家

九十八人一會堂，歌聲花影彩燈光。無分少長隨緣坐，都對杯盤帶笑狂。陣陣鐘鳴迎子夜，
齊齊心願載歸航。人間遊戲多相似，來日陰晴總共當。

丁丑歲暮

一燈書百卷，寒夜感彌長。偶望三分月，翻疑滿地霜。盈樽雖有酒，得句每無章，忽報梅花
發，為吾又放香。

周千秋學長八秩晉八寄美國邁亞美

蘭香桂馥正芳菲，玉盞金樽好介眉。從眾欣逢稱米壽，綵衣喜見滿場飛。鴻光相敬長連理，趙管多能笑紫薇。遙望祥雲齊祝願，一門李秀與桃肥。

鄉丈蔡任平八秩晉八壽詩寄示次韻遙祝

如松如柏又岡陵，鳳嶺同推老管城。從俗喜逢稱米壽，望風隱約見龍行。題詩共起懸弧頌，晉爵彌添倒屣情。此夜華樓當滿座，眾星齊拱彩雲輕。

丁丑除夕前三日晨茗與鏗齋蔚熙父子薇靈幼惠昆仲陳秉昌譚錦沛李國明梁錫源鍾允文老瑞松於九龍城食爲先酒家薇靈出示黎君焯鄉士有詩寄自楓國春節有暇因和一章寄之藉表慰候之意並呈列位同座

久客同如踏雪鴻，天涯到處又春風，自多遷客懷彭澤，幾許詩人讓放翁。誰過芳園花不落，還逢盛宴曲無終。且斟柏酒燈前醉，放眼江湖達則通。

戊寅春酒 一九九八年

桃李芳菲月色微，又逢佳節羽觴飛。坐觀煙火燈花出，細賞杯盤天下肥。願藉聯吟懷飽德，好憑醕酌醒前非。當歌誰可能無量，樂樂相將以介眉。

李丈壽堅賀歲柬夾有股潮再詠一首次韻寄時全亞太區無一幸免金融風暴

推波渾濁宛狂潮，甚日風平似尚遙。浪過幾多成失棹，途窮齊像待修橋。環觀鄰國生財道，亦若連天暴雨朝。安得雷霆平地起，一聲劈盡鍾之梟。

亞太全區金融經濟自去年十月起飽受國際金融大鱷所反手作雲覆作雨之禍

虎年有詠

從來生草澤，曾說伏禪房。雖猛遜苛政，無端號獸王。謀皮知不易，入穴復誰當，展望春回日，羣山盡設防。

趙師少昂卒於戊寅元旦上元後二日舉殯與同門歐豪年趙世光胡宇基黃磊生胡昌碩林湖奎任兆和扶柩出於紅磡世界殯儀館赴歌連臣角火化場火化師積閱九十七

宗傳松雪道巍巍，歷歷河山大筆揮。浩蕩天風弘教澤，芬芳桃李遍春園。嶺南此際方元日，藝苑靈光忽落暉。弟子千人齊灑淚，心喪三載送師歸。

先師公元一九零五年生於原籍番禺
戊寅元旦為公曆一月二十八日

百花圖長卷為司徒乃鍾接其尊人奇翁遺作而成

蒼城遺宿願，濟美有賢郎。展卷芳齊放，迎風秀發光。未因寒暑熱，長綻紫青黃，一霎堪成蜜，蜂狂蝶亦忙。

彭樂三贈畫與冊賦謝彭翁號既白湖南籍承家學精於詩畫早年常參加錦山春禊一別多年矣今忽由其同鄉袁子予詞兄手持傳贈念翁以八八高齡尚能垂及誠不易得也

詩酒蘭亭日，錦山又北潭。第二十屆在北潭
涌渡假村舉行如煙過廿載，流水付重三。忽展丹青妙，珍同造化參。畫集內有山水人物
翎毛花木無所不包閒將燈下讀，長若接清談。

李文雲谷伉儷九秩晉二雙壽自穗有詩寄示次韻奉祝

如柏如松競傲霜，長庚寶婺耀天長。堂堂世系猶龍健，落落流年笑虎強。海屋有籌添不盡，多文為富自難量。椿萱並茂和風日，倍顯芝蘭競秀強。

杜甫生日應多倫多晚晴詩社課題又洛杉磯中華詩社同此

一代尊詩聖，開元遠至今。源流承世澤，天命苦其心。憫亂居工部，傷時入蜀吟。草堂千載在，人日會詩林。全唐詩中有高通寄杜二拾遺句云人日題詩寄草堂遙念故人思故鄉之載以唐
代當年此日時有詩酒集於草堂之間故世有少陵生於正月初一日之傳說

香港何氏宗親總會副理事長何予鄉丈伉儷花燭重逢大慶

乾德坤貞日月同，敦宗睦族耀鄉風。鼓琴鼓瑟長和樂，宜子宜孫積健雄。今夜重紅龍鳳燭，一堂如會桂蘭宮。齊齊共晉汾陽爵，預祝期頤壽永隆。

香港中國美術會雲泉仙館第六屆春楔雅集

三月百花開，玄關六度來。流觴懷往日，攜酒又春臺。筆墨蘭亭韻，丹青董巨才，雲泉亦勝地，修竹隔塵埃。

李汝匡學長書畫展賦賀是次乃爲悼念老師趙少昂教授之恩而作

嶺南門下早蜚聲，重道尊師見至誠，無限天風餘韻意，高山流水正逢迎。

四靈詠

海爲世界不知年，噓氣從雲忽在天，一自函關人去後，古今奇逸孰齊賢。(龍)

鳴竹棲梧盛世時，于飛早著聖賢詩，何年復得簫聲引，月下花陰舞羽儀。(鳳)

亦坵亦壑亦川游，同類蕃生遍五洲，獨有負圖呈瑞種，千秋之後甲長留。(龜)

角趾呈祥步夏廷，載諸三傳詠諸經，出於其類拔乎萃，靈到昭昭不在形。(麟)

唐積聖篆刻展於香港中區大會堂

操刀憑鐵腕，神眼定陰陽。龜鈕鏤螭跡，駝頭篆鳥翔。方圓由小大，朱白狀綱常。頑石因君點，拳拳載吉祥。

夜月偶得

如鏡如輪不染埃，初收宿雨破雲來。光侵繡幙燈添色，影落荷塘夜半開。此際漫愁歸夢客，何緣更遇賦詩才。天涯萬里原無界，願共鄉心一樂哉。

趙青坪繪山水圖寄自美國德州屬題

喬木參天地，溪山萬里遐，居然忘歲月，別有此人家。

又一村俱樂部早泳後回家經高槐路一鄰居種有白蘭花老樹一株盛放花落滿街外如種鋪地夏日風花滿地香，一株玉樹幾經霜，途人欲問誰初種，依舊門庭別不詳。

蒲節前七日偕內大連遊與邑會同人一行二十五衆途次得詩八首全用下平一先一韻成之抵大連市

人傑地靈渤海邊，江山如畫月如弦，風和恰值槐花放，物我相看笑並肩。

市內外遍植槐樹其時花當盛放正舉行第十屆賞槐節中之前夕忽懷一八九四年歲甲午中日交戰我軍敗績被逼簽喪權辱國條件於馬關割讓遼東半島台澎與日本之往事

甲午風雲一往煙，崢嶸歲月百年前，我來今日逢嘉會，換了新天認大連。

過市區有感因甲午事件引至法德俄三國介入干預藉勢對我欺凌而今化敵爲友在此經商往事悠悠總惘然，幾遭夷狄接垂涎，江山畢竟終吾土，廣廈通衢阜懋遷。

賞槐節嘉年華會中有意想不到多項民間節目有年長化妝遊行有中小學生表演書法者獅鼓鑼響過天，風箏飛舞萬絲牽，綵衣裙帶人如海，彷彿銀河會眾仙。

金石灘渡假勝地依山面海中多巨石裂如龜狀亦一奇景信步到哥爾夫球場會所小休品茗石裂龜文歷萬年，槐林灘畔草芊芊，天高地迴桃源似，樂水樂山任自然。

東雞冠山北壘堡乃一九零四年日本與俄國在旅順地區戰爭攻防之遺跡堡爲俄軍所建者鋤坑堆石一殘全，血肉幾多爲此捐，當日甚於遭外侮，任由夷狄互爭權。

白玉塔高逾二百尺同行中只一人能隨余力登而上者眼爲大開按該塔乃日俄戰爭結束後日軍爲誇耀戰績之下強役我勞苦人民爲其建築而落成於一九零七年

一塔巍峨如虎視，眈眈吾土恨綿綿，可憐上國堂堂日，歷歷痛書屈辱篇。

從大連市赴旅順區途中所見此行先後曾受大連文化局之設宴款待及參觀大連藝術學校大連理工大學

一路輕車過市廛，移時林下有牛眠，信知耕稼陶漁外，更廣膠庠育後賢。

大連遊晚宴喜晤歐初先生蒙以其專著五桂山房詩文集又書畫集又芸窓清供面賜賦謝

北國山川錦繡中，槐花微笑月微弓。樽前略帶三分醉，燈下忽濡五桂風。貽我佳篇光滿座，感君雅度氣如虹，有緣珍重攜歸日，一路依依異地逢。

新四君子接中國詩經研究會劉雲亭寄自湖北省大治市賦此應之

含風帶露綠紛披，枝似蠻腰葉似眉，折贈行人情亦重，鶯飛燕舞惹迷離。（春柳）

金房珠實盛前時，得遇濂溪學益馳，有日花能開並蒂，風華倍勝六郎姿。（夏蓮）

一陣西風白露中，層林如染夕陽紅，烏啼月落姑蘇夜，多少詩人盡醉翁。（秋楓）

撐天拔地出江干，與柏同心耐歲寒，麟甲虬枝鬚亦白，依然長並竹平安。（冬松）

全亞太區自去秋起大吹金融風暴到今日乃餘波蕩漾民生經濟若陷深淵若了無期限乃有不
少怨天尤人之者印尼首都雅加達更因於本年五月間發生動亂軍民互起衝突事後據當地
人權組織透露是役死於無辜者有一千一百多人其中華人婦女被姦被殺者超過百人財物
損失之慘重更無從估計云云此訊詳載於六月十一日誠報國際新聞版

誰是誰非渾不清，人間總愛共和平。金融正在臨窮日，戾氣何因更滿城。殃及無辜僑士血，空教有是可蘭經。風雲如此天難問，隔岸思量膽震驚。

小山居士寄示曉園乙章次韻酬之

羨君多暇裕，居行隨所欲。敲詩自乘興，煮茗每方熟。日賞雅園芳，橙黃橘又綠。由來誦儒書，自然忘止速。愧吾仍半途，風櫛還雨沐，甚日始息肩，安閒一飯粥。

閏端午

浴蘭競渡自年年，百載幾逢再一天。懸艾又爲重五閏，觴蒲復作九歌篇。固知往事三閏遠，誰識當時五綵纏。所願荷風紅荔雨，萬方同沐此連綿。

五綵纏是角黍昔人常以五色絲繫之

八仙像讚爲李銳祖所藏

漢鍾離

道長正陽君，仙登後漢時。鍾離乃君姓，名權世罕知。美髯而俊目，咸陽傳禮詩。天下方五代，干戈互爭持。治亂誰能料，欲往將何之。乃隱正陽洞，朝夕挹紫芝。旋遇一老人，授以道之機。道達三清境，進作友兼師。或與純陽游，或釋湘子疑。東海同渡日，齊齊會仙姬。

呂洞賓

唐代一呂祖，道大號純陽。世系出京兆，江湖任徜徉。終南山上行，天風吹髯長。餐芝印鹿步，拂袖並鳥翔。欣遇鍾離權，相見喜洋洋。授受上真訣，語語載吉祥。兼通延命術，壽世復安良。富貴浮雲視，玄學共弘揚。歷歷江淮漢，靈跡永彰彰。一枝天遁劍，長鎮在道場。

張果老

開元天寶世，隱士有張果。自云生堯時，春秋不知老。長壽有秘方，自助亦天助。深居中條山，通幽出惡道。靜注陰符經，玄理盡其奧。往來汾晉間，虎步或龍臥。身隱名亦隱，無憂無煩惱。兩奉帝王召，詐死而不造。悠悠塵世日，不涉福與禍。浩浩在天時，長生不煙火。

曹國舅

國舅何名字，從來人不知。惟史記宋代，年當景祐時。宮中曹皇后，淑德盛母儀。斯人乃其弟，國舅自無疑。從此尊其榮，而不稱其名。斯人卻陶然，不與世馳騁。遁跡山林間，修道以養精。一日遇純陽，指天答所明。復答鍾離問，指心合天靈。相將一笑後，攜手登仙庭。

李鐵拐

拐兒生隋代，姓與猶龍同。少小便聞道，修真巖穴中。一日道君約，魂遊西嶽峰。臨行囑其徒，七日便返節。七日如不返，吾軀可火縱。不料到六日，徒母病訊凶。即焚而歸去，竟燬

師全容。李歸無體入，剛見一亡翁。附魂起而生，足跛貌又窮。但憑一鐵杖，隨緣又昇空。

韓湘子

翩翩韓湘子，系與文公枝。文公宗孔孟，湘子惟道依。家學本同源，行藏則各之。及遇呂純陽，乃大啓玄機。靈性通仙術，術妙演神奇。徑寸一葫蘆，酌酒滿卮卮。火缶以栽蓮，頃刻花參差。欲以化文公，帝鄉可勿期。潮州祭鍾日，東海吹簫時。天人容有別，千秋各祀祠。

藍采和

仙蹤出黃河，唐時若春波。芸芸眾仙中，中有藍采和。長安市上攜籃歌，對人歌。歌聲皆仙韻，悟者有幾何。冬臥冰雪地，夏服絲絮袍。奇人奇其行，寒暑顛倒過。歲歲保丰姿，冠玉像新磨。人有久不見，重逢訝如初。一夕濠梁樓上飲，醉顏酡。雲來呈五色，乘鶴去天高。

何仙姑

零陵一女子，名瓊唐代生。生時雲繞室，瑞氣自層層。或云誕百粵，羅浮奉神燈。羅浮靈氣聚，雲母滿仙萌。夢神降以旨，式食可仙登。復受異人術，食桃養奇能。性情歸簡淡，清寧日以增，撒環以終身，水月願爲朋。一宵麻姑約，鸞簫來接行。井邊留一履，仙蹤永騰騰。

香港特別行政區成立一周年紀念慶祝匯演大會在紅磡體育館舉行出席歸來記此

兩制宏開始去年，一堂重會又當前。

去年當日曾出席會展
新翼舉行成立大會

衣冠人海齊南北，鑼鼓旗林耀日天。

座滿繽紛供共賞，世方艱巨待同肩。從來大任由天授，筋骨先勞是自然。

此時正遭逢亞洲
金融風暴之衝激

香港國際機場啓用於一九九八年七月六日以代替有七十二年歷史之啓德機場於七月四日

先爲宗教祈禱室舉行開幕及亮燈禮到有道教孔教佛教天主教基督教回教各六人余忝列

啓德光榮退，橫空赤纛開。一行先兩日，六教會三才。室設誠祈禱，世憑弭劫災。萬邦無遠近，從此太平來。

西藏成都行時是歲公元七月十四日至二十一日全程八天一行三十二人在香港孔教學院院長湯恩佳博士香港文化藝術基金會主席梁沛錦博士領導之下偕內同赴西藏專程出席湯院長在拉薩捐建之孔夫子醫院落成開幕典禮參與其盛順道得暢遊前藏(海拔三千餘公尺)後藏(海拔四千餘公尺)各地包括拉薩江孜日喀則羅布卡林八角街等參觀有布達拉宮白居寺扎什倫布寺色拉寺大昭寺哲蚌寺及製藥廠等當中備承自治區政府有關部門熱情款待良多賓主盡歡回程途次成都順拜武侯祠登工部草堂後齊齊乘興而歸

同攜孔學會三才，路過成都入藏來。不辭萬里乘風至，深願忠恕普天開。哈達巾長頻相贈，

哈達藏語吉祥以純白絲製成長可十尺以贈施主為禮受者披肩及足 溫煖人間感大哉。遠溯文成歸於此，唐貞觀十五年公元六四一年宗室文成公主下嫁吐蕃王贊普西藏古名吐蕃贊普執骨禮甚恭築城

以待公主及遣派子弟多人晉京修習國學禮樂等見舊唐書卷一九六 喜馬拉雅山為台。脈接崑崙橫空出，水自天來落九垓。高山終年積雪不斷溶流而下青海省城因成爲黃

河與長江之發源 前藏後藏稱聖地，奇花異草宛自華夏栽。

江孜高處須彌狀，拉薩靈光似蓬萊。千百年間尋常過，不生不滅遍梵臺。布達拉宮當最大，領導喇嘛為消災。今卻空懸法王座，日久彷彿已生苔。施施遠去何時了，幾人曾說該不該。

千佛萬佛金剛相，或作慈悲為世哀。上座復有藥王佛，神農華陀起人猜。眾生五體投地拜，如何自古仍劫埃。當年英印人侵入，強加異俗掠資材。可憐時當清季末，任令夷人種禍胎。

遂使天真無邪輩，如失父母之小孩。時維九十二年前。清光緒三十二年公元一九零六年英兵印兵分別侵據江孜與拉薩 吾宗翹高鄉

先賢。按南海吳天任編著何朝高年譜先生順德東馬寧人光緒壬辰進士官任外務部主事 自京入藏佐張督，駐西藏大臣張蔭桓 道秉治平策巨篇。皇皇二十二

條約，義指夷兵回界邊。其中尤關重除害，禁運嗎啡鴉片煙。至今流弊仍百出，漫云事過

已情遷。願我上下同心德，凡事慎行莫仗天。況自古往今來日，文化衛生隨自然。乃致地

方流行病，複雜毒菌日漫延。因思強身方強國，保健設醫當列先。今我孔教湯博士，廣植杏林不吝錢。捐建院舍今開幕，仁心仁術動大千。名題至聖具深意，長為藏民種

福田。長爲藏族明明德，珍重炎黃同枝連。當道復倡建別院，使我有緣略一肩。命名孟子康復村，療養麻瘋待復元。眾病之中鼠疫大，伯牛之疾亦難痊。願將仁以正其本，集義以求清其源。浩然之氣入西藏，惻隱之心繼文宣。民康自然臻國泰，他日重來盡樂園。匆匆行色車塵間，又復蜀水與巴山。一祠一堂同瞻仰，武侯祠與工部草堂森森松柏白雲間。天地於人真太厚，依依惜別帶笑還。

大良寶林寺原始建於五代年間距今逾千年之久歷遠而廢今易地重建太平山下落成有日鶯嶺祇園世幾遷，梵鐘重響太平前。山門龍象真如境，塔影雲霞大覺天。樹種菩提同有願，經傳貝葉法無邊。蘭臺石室蓮燈下，光照人間到萬年。

又

千年古剎慶重光，萬國衣冠禮法王，釋氏惟明心見性，會敦孝弟一行方。

長夏

晝長宵短有難眠，客裏猶常夢少年。野草閒花明月夜，火雲熱浪豔陽天。歷忘世態頻揮筆，深愧當時懶著鞭。安得薰風爲我笑，自調冰水亦陶然。

北京大學爲慶祝成立百周年於七月八日校長等多人蒞港設酒會於半島酒店答謝文教界樹人慶百年，杯酒晉南天。化雨光華夏，文風及海邊。同功迎八校，尊德會群賢。愧我惟

樗櫟，叨逢信宿緣。

八校爲香港中文大學香港理工大學城市理工大學科技大學浸會大學嶺南大學及香港公開大學

颱風暴雨起憂懷據成報中國新聞版八月七日載近期南方地區洪澇災害其中以湖南湖北江西福建四省最爲嚴重目前已有二億四千萬人次受不同程度之波及罹難者超過二千人云云金融風暴尚餘波，淫雨爲災劫又過。幾許家園成澤國，飄零農作陷漩渦。一時洶湧長江下，四省呼援兩億多。如此乾坤如此世，問誰能起挽天河。

中秋前夕

余多年以來已習晨泳於九龍塘會或又一村花園俱樂部之池因不作海浴者屈指十二年矣
今晨過達之路偶承村友魏君招登其車同往其天天海浴之場同泳是日適逢佳節前夕機緣
難得並承魏君殷殷致意後約之期喜而記之

清早同車深水灣，重凭十二載前閑。翻波頓覺身猶健，放眼彌期海任還。無限天長秋氣爽，
幾群人並白鷗閒。明宵若接嫦娥笑，莫笑老夫不樂山。

團圓之夜書畫會

是晚與香港中國美術會同人參加由香港旅遊協會主辦油尖區文化藝術協會協辦在舊英
國海軍基地添馬艦廣場之聯歡展覽會開幕即席揮毫項目多姿多采五色繽紛

旅遊業廣展新篇，共慶團圓喜並肩。飛墨調朱添月色，紅男綠女舞燈前。嫦娥只是姍姍至，
天地方於默默然。此夜初臨添馬艦，誰人尚記爲銷煙。

追月海上遊既望之夜與鄉會少長二百餘人乘洋紫荆號豪華輪船作環島之遊聯歡晚會
輕颺海上一華樓，環繞鐘峰浪漫遊。月老有情應笑我，嫦娥此際似含羞。逍遙且載歌同樂，
得失還從酒解愁。正望普天消戾氣，會通共濟賴同舟。

籠屋感懷爲健社五五四期雅集課題

豪宅如林出入車，誰憐世有幾蝸居。達摩面壁多相近，顏子曲肱可不如。一榻參差分上下，
五更輾轉夢盈虛。不時同室操戈似，盡是無端笑罵餘。

客旅情懷應洛杉磯晚芳詩社泰國黃惟憲詞長命題

一年容易又秋深，每檢寒襟念母針。飽食煖衣年少願，承歡泣杖夢中尋。生涯半紀離鄉日，
文會幾回附雅音。燈下牀前何所望，冀清戾氣接春林。

澳門藝術研究學會主辦澳門第一屆國際書畫藝術交流大展暨出版首屆專集一巨冊備載祖國三十個省市地區包括蒙藏港台炎黃子孫及日韓歐美東南亞各國國籍人士所作中國書畫共四百九十餘幀圖文並茂洋洋大觀出席者人手一冊攜歸記此

藝農黃帝五千年，文化淵源早領先。此日濠江昌啓後，萬邦冠蓋響光前。好乘丹墨交流會，藉以和平任重肩。一卷精華花競放，留將百世認羣賢。

黃惟憲榮膺中國當代詩詞精品獎一等獎有賦寄示次韻賀之寄泰國曼谷

故園歸省

用原句故園歸省平生志

值豐年，心曠神怡落巨篇。歌也有思宣德教，拔乎其萃出靈詮。他邦早

領盟嘉會，魁榜常當邁眾賢。遙望湄南流水遠，詩情畫境自無邊。

聞當年著名文運女士先後與夫流亡海外竟然一旦離異另與一美國碧眼男兒結合

誰記天門外，曾來此木人。宛揮王有令，還扮女之神。胡亂高呼日，盲隨幾禍身。可憐從此去，一變現其真。

晚芳詩社十五周年社慶寄洛城

天聲響洛磯，欣展月圓期。歲歲千杯酒，齊齊七步詩。清新追李杜，揖讓協華夷。遙祝燈花下，滿堂頌德時。

三水詩社十周年社慶李壽堅詞丈有詩寄示次韻奉答

西南安樂土，天氣漸清涼。十載千杯酒，三江萬里航。地靈人自傑，風遠韻彌揚。少長燈花下，等閒滿錦囊。

黃節先生學術研討會於大良仙泉酒店時值冬至乃廣東炎黃文化研究會與順德文體局合辦希世之章世所稀，蒹葭一卷惹人思。東西南北齊攻錯，羣怨興觀互釋疑。此際家鄉低首念，滿堂翰墨倍心儀，可憐古寺讀書日，最是先生見志詩。

梁朗秋詞丈仙逝丈夙擅岐黃其朗吟續集亦月前方面世春秋八十有九

一卷方披續雅音，忽驚流水斷牙琴。錦山回首空塵跡，健社登時帶淚吟。問字求方成永別，焚香奠酌苦親臨，風前燭影依稀是，猶在鬚眉照古今。

梁其政社丈仙逝丈爲錦山文社十老之一又爲昌社鴻社詩盟歲己巳倡議重刊古本孔子家語

廿載追陪歷歷心，月宮鑽石兩酒家之名附微吟。感君素重尼山學，經世尤輕管鮑金。豈只蘭亭廣

雅韻，還留鴻社待春陰。云何未覩寒梅放，先送詩翁赴鶴林。

潘翁友泉乃海聲詞社中堅久客香海年前回遷其故鄉潮州以娛歲月昨忽重來午茗鑽石酒樓

天寒茶煖歲方隆，座上忽來不老翁。雙目揚眉鬚似雪，一囊在背手揮筇。翁數十年來出入必攜鏡囊以隨意獵影

鄉音細話昌黎跡，觴詠常懷太白風。片刻相逢珍重甚，依依卻惜去如龍。

迎春花市

含風帶露待春光，如玉如金紫又黃。遍地馨香招蝶舞，接天豔麗惹蜂狂。枝枝像妬痴兒女，歷歷曾芳大漢唐。百媚千嬌當此夜，誰人不羨賣花郎。

法國龍吟詩社成立十周年社慶

龍吟雲雨響天聲，煮酒烹茶十載情。歷歷花都還繡虎。篇篇雅韻盡嗚嚶。流風自古揚中外，萍水他鄉亦弟兄。遙望神州心萬里，好將言志並崢嶸。

畫人陳謙繪魚蝦蟹圖贈梁衍祥君觀後戲作書以應之

一枝彩筆活三鮮，鬚眼如龍躍水邊，竟有橫行金甲者，悠然甘讓錦鱗前。

戊寅錢歲應邑會青年部同人與蔡伯勵賴本能李銳祖等同席

潮生潮落又殘冬，環島依然細細風。仰望天心仍月下，且將世事付杯中。相逢此夜當謀醉，略惜誰家在送窮。尚喜樓頭燈影外，車如流水馬如龍。

杜工部誕辰應多倫多晚晴詩社寄題

公元一九九九年

天地悠悠展八荒，蜀山蜀水又春光。百花潭畔千秋日，萬里橋西一草堂。冉冉松雲公並壽，騰騰詩卷世珍藏。名齊白也分仙聖，伯仲之間冠大唐。

己卯元旦書懷

雲山北望又新天，倒數浮生七十前。愧踏黃香溫席日，空誇李密不行年。

陳情表有臣少多疾病九歲不行之句

好將素願諧同老，豈敢奢言報祖先。且讓兒孫常笑我，閑來祇識話桑田。

韓國碑林公園建立推進委員會會長許由書有兔年元旦

古稱多載兔為祥瑞之獸

足短耳長身，性仁不害人。有鬚多雪白，放眼顯風神。月殿攀丹桂，仙蹤步綠茵。

依稀寰宇內，化育共元辰。

海山仙館位於穗市荔枝灣畔乃清代道光十二年舉人亦世代經商有道生財成爲廣州首富潘

仕成所建其間廊榭亭臺寶塔園林之勝蔚爲大觀仕成更編有海山仙館叢書收藏古籍數萬

卷之多以資覺世治學惜於同治晚年被毀乃客歲梁荔夫鄉丈自穗來書云將修復囑爲一言

韻接河陽代有賢，亦儒亦賈亦神仙。五羊夙盛三才合，一館宏開百載前。路展餘陰垂樹德，書藏萬卷尚遺篇。滄桑歷盡高風在，又見庭園起大千。

前題之二

珠海雲山世所尊，天開仙館自因緣。樓臺池榭迴廊接，碑帖圖書四壁聯。無限風光從若夢，有懷賢哲尚如泉。乾坤日月循環理，莫道靈芬不再傳。

前題之三

荷花香日荔枝紅，又是高朋滿座東。袞冕布衣容有別，詩天酒地卻無窮。當年阮督留題處，吾祖紹基作客中。先後定多才子筆，丹青翰墨氣如龍。

前題之四

亦玄亦佛亦中庸，上接唐宗振德風。古籍自豐明世學，善門更廣與人同。攘夷還助銷煙策，表績幾揚衛國功。千載芳名留史冊，未須興替問天公。

潘公當年曾支助林則徐虎門銷煙

鄉丈陳天如九十初度感懷寄示自澳洲步韻奉賀

時懷剪燭共西窗，縮地恨無費長房。忽喜佳章來望外，彌欣健筆逸尋常。遙瞻天保九如下，正並潁川萬里長。願再十年逢此日，期頤酒畔細商量。

魏山詠山在雲南省西部爲多種族自治區應魏山縣詩詞楹聯協會徵稿

高齊舜禹有天下，心嚮往之始至今。疑書疑詩疑夢境，忽雲忽霧忽甘霖。千峰競秀龍羣像，萬法同流鳳德音，安得憑方能縮地，好從旦晚暢行吟。

芳草爲多倫多晚晴詩社寄題

青陽時節氣清新，雨後郊原遍綠茵。無限春暉齊寸寸，並芳萱室香頻頻。微風一偃疑翻浪，倦鳥低飛欲啄銀。極望江天零露處，如蘭如蕙不沾塵。

春日爲洛杉磯晚芳詩社寄題

和風麗日白雲邊，小鳥飛鳴萬綠前。似爲眾生歌得意，並呼凡事處超然。江山自古多如畫，詩酒逢場且學仙。二月花紅三月柳，只知春色不知年。

岑滌羣鄉丈歿於多倫多積閱百又一歲時維己卯正月十九日

春日方祈壽與天，忽傳駕鶴轉悽然。有懷幾會楓湖畔，不盡回思鳳嶺前。管領風騷群己社，按文記載群己聯社創於公元一九一九年歲己未題名縣宰冠軍年。文於當年粵省縣長考試第一異俗鄉風千萬里，英靈當照白雲邊。

關宗漢鄉丈歿於客歲之冬讀潘根鄉丈來詩內悼句始悉

春宵苦短惹鄉思，倍念容山老畫師。贈我丹青文於多年前贈以山水法繪方再讀，驚心誄語竟遲知。高山

流水傷空在，問字攀車痛絕期。指日清明寒食節，那堪更誦故人詩。

文房四寶之紙

甲骨爲文自古年，蔡侯創出代蒲編，雲箋玉板風行日，從此前賢啓後賢。

文房四寶之墨

光潤分明出炭松，尋常色比漆之濃，洗池偶有吞魚腹，吐向溪邊欲化龍。

文房四寶之筆

小字毛錐號管城，功能遠勝斧斤精，銀鈎鐵畫方當日，幾許憑將入帝京。

文房四寶之硯

鐵面光芒像鏡圓，誰曾篤志可磨穿，芸窗自古多佳品，別出端溪最盛傳。

思親節曰

節屆清明霧尚融，天高人老兩朦朧。舉頭幻覺親如在，俯首翻疑夢亦空。默默寸心風木下，哀哀長念髮膚中。浮生多少難填恨，最愧晨昏有未恭。

香港中國美術會第七屆春楔雅集設於屯門青松觀

長天開麗日，飛輦向青山。同步蘭亭會，齊參太上關。松風吹雨後，鳥語迓仙班。八面宜觴詠，花間競笑顏。

觀鄧爾雅遺作展於香港中區大會堂後先生尊人蓉鏡公爲清同治辛未翰林書香世代

倉公流韻石如風，翰院家聲亦畫翁。潤墨端毫呈漢魏，雕金鏤玉篆魚蟲。靈含甘露陰陽象，化比光風日月融。手澤滿堂清逸氣，泰山北斗並高峰。

詩盟潘新安花燭重逢有詩十首賜示步韻第一章申賀

若論百年年尚輕，羨君佳偶宿天成。樂和鐘鼓諧琴瑟，書誦修齊到治平。良夜定多占兆夢，

好花難免有時驚。重逢甲子清和日，彷彿鴛鴦始結盟。

又一村始建於五十年代之初創辦人為余達之岑載華唐賓南古卓崙許讓成陳友耀高燕如謝伯昌江灝昌容顯朝十位當年原建會所懸有各位瓷相及刻石碑詳載創建事功至一九八九年改建落成規模雖遠勝前者但上所述者完全湮沒張之以新一代矣今歲為余公逝世三十周年之期路過又一村學校門前回望鄰居亦已多易主而改建矣世事滄桑不禁感慨系之

當年十老余岑唐，古許陳高容謝江。成佛成仙俱往矣，樹人樹木尚流芳。名揚大路還延續，

達之路原止於本村之內今則伸展至歌和老街矣碑立原堂卻獨忘。上界羣公如有問，一村燈火異前光。

春雨

風似無聊柳似金，蘭亭天氣半晴陰。孤舟蓑笠詩中畫，細雨杏花路上吟。此際滿樓防漏意，當年傾蓋憶知音。人間不盡雲霓望，春去春來自古今。

四藝之琴

高山流水待知音，世有焦桐豈易尋，且坐花間竹影下，朱絃間聽足清心。

四藝之棋

一局山中便爛柯，仙凡有別各消磨，君臣對奕江湖日，千古相傳韻事多。

四藝之書

煙霧霧結欲崩雲，筆下龍蛇有異軍，心正臨池隨手得，王神柳骨又顏筋。

四藝之畫

一枝彩筆百花香，咫尺常涵萬里長，隨意漫成摩詰韻，遠山時起水中央。

夏曆四月初八日為香港佛教聯合會慶祝第一屆公定佛誕為公眾假期暨自北京迎請釋迦佛牙舍利在紅磡體育館舉行瞻禮大會參與其盛有懷先君棄養六十四周年先慈黎太夫人生

西十周年哀而賦此據佛教史籍傳說佛荼毗後只有兩牙留在人間另一則流入斯里蘭卡云
學儒學佛誦經詩，到老彌慚有未知。每念報恩悔已晚，空留在夢只憂疑。且從勝會隨緣拜，
還向佛牙作禮儀。天上人間如可接，香花燈燭正依依。

汨羅懷古爲健社第五百六十一期慶祝詩人節

千載幾過澤畔吟，楚辭獨竟出湘陰。本懷忠義匡君國，終付清流見志心。神有不通詹尹卜，
天如可問汨羅尋。年年競渡知何事，爲弔三閭遠至今。

詩人節後三日因前列腺腫脹痛甚延醫送養和醫院割治手術住院經旬病榻中得句拉雜如次

共四首

纔過詩人節，無端又苦吟。似由饕餮起，若受河魚侵。葯鼎容無奈，刀圭術幸深。臭囊除惡
物，一覺並清心。麻醉醒過後精神
爲之霍然而起

媮閒非有意，竟仿過蟾宮。老伴徐徐步，白衣粥粥風。低聲扶我際，微笑晉丹中。念世多貧
病，何時抵大同。住院期間內人朝夕
相陪使我加速康復

十日猶禪定，安閒又可憐。苦思如是劫，無奈對愁眠。順逆隨天授，康強賴自堅。其將清宿
孽，來接二千年。第五六句乃余平生所篤
行者病榻中更不可或忘

俗塵容一滌，可勿子孫知。積惡原非淺，粗心恨覺遲。多勞親友問，德比澤霖施。從此珍餘
日，浮雲付小詩。兒孫輩多散居遠方不願其因此違念但此期間不少
親友或電話慰問或勞步探候或錫以隆儀感愧俱深

美加十五遊夏曆七月朔日偕內赴邁亞美會長男家齊媳柏年孫男文禮孫女文珊次女少蘭婿
澤洪外孫男正謙外孫女正怡四男家強媳宛君孫男文海孫女文詩五女少若婿藩琦外孫男文
耀外孫女文秀共十八人乘迪士天尼號郵輪同遊加勒比海七天順道小住羅省邁亞美多倫多
雲高華藉會親戚文友多人得句十三首如下臨行留別港中列位親朋文友

風輕雲淡又初秋，爲應兒孫海上遊。此去行囊無別物，但攜心願會良儔。旅途若遇仙花賣，駐足當偕老伴留。天地悠悠神萬里，期將好夢載歸舟。

洛杉磯喜會晚芳詩社中華詩會列位耆賢

萬里遊蹤第一程，洛城又喜會耆英。重逢互惜方秋夜，淺酌欣逢叶友聲。天上雙星相會近，人間何事尚難明。燈前花影同心願，待旦千禧步太平。

邁亞美訪晤周千秋梁粲纓夫婦

花有清香樹有陰，分明畫裏富詩心，天緣拜得高人宅，還會瓊樓飽德深。

登舟(迪士天尼號)即興

歡樂滿家十八人，優游天賜豈無因。信由宗祖多垂澤，始及兒孫共滌塵。萬里長風欣此遇，一舟新月喜相親，他年若許重來願，自必同偕不老身。

舟上甲板頂層晨運步行觀日出

萬方無際海雲中，無色無聲忽漸紅，我與朝陽齊放眼，乾坤與我共披風。

舟次波多黎哥

山臥雲邊水往還，天涯竟有此人間，登城欲問前朝事，古炮曾經鎮幾關。

舟次聖胡安

朝夕憑欄幾笑顏，一舟又泊水之灣，森林偶見牛歸晚，此地誰當稼穡艱。

前題之二

百物紛陳十里長，賣花賣酒賣衣裳，隄邊舞影歌聲裏，多少遊人趁夜涼。

舟次聖湯武士

點石堪環天一周，萬年前似媧皇留，名山自古多奇跡，俗眼凡心只綠洲。

贈別同舟國際友人

連夕笙歌共綺筵，萬邦來自客三千。未因言語慳相笑，且並情懷樂自然。信似前生齊一族，乃於今日會羣仙。依依惜別期能再，山水之間又此天。

多倫多訪晤陶澧羅潔蘊夫婦謝面賜法繪山水一幀

賢齊梁孟又文章，翰墨丹青滿序庠，貽我林泉山一角，天涯互祝老彌強。

多倫多喜會湖楓詩社晚晴詩社同人時有懷鄉文岑滌羣恩平馮民鑑新會張毓昆三老同以齡希百歲先後已歸道山不勝悵觸

湖光如鏡草油油，楓葉飄飄秋又秋。三載重來仍故我，一樓歡敘展新謳。別時容有參商感，酒畔且忘天地憂。卻念岑馮張大老，臨風空望瀑飛流。

大多倫多中華文化中心參觀後

中華文化五千年，棟宇宏開奉哲賢。聖教杏壇雕壁上，兵陳秦俑立堂前。圖書並載諸經史，丹墨分懸眾妙研。繼往開來僑士志，萬邦和協喜同肩。

雲高華喜會楊舜文關殊鈔陳汝鏗蘇錫文高治平何思搗司徒乃鏘等

一別雲城不記年，重來酒畔復茶邊。細看楓影多曾識，漫覺萍逢又偶然。相笑都忘言往事，放懷惟共語當前。霜天白日花微醉，珍重聲中互贈篇。

愛日齋主鄺器八秩壽慶寄多倫多

桂香秋月朗，喜頌杖朝年。雙腕騰龍勢，九如晉德篇。椿萱長愛日，蘭玉承歡天。遙望楓林國，北辰會眾仙。

鄉宗兄思搗自雲高華回展覽書法於順德天任美術館賦賀

法從星象意從雲，筆下龍蛇起異軍，萬里歸來囊滿錦，好將國粹會同文。

杜祖貽教授在九月十八日爲十六年來香港又一次懸上十號風球之下颳風約克狂襲本港後
二日假座中區嶺南會館設宴歡待來自台灣歐豪年朱慕蘭夫婦及其公子同座有香港中文
大學馬國權教授林業強館長黃坤堯博士等香港科技大學丁邦新院長夫婦學海書樓賴恬
昌陳紹南等及文藝界多人筵開三席座滿朋簪有幸叨陪末席並以記之

香江原福地，忽受颳風侵。海陸空交通，一時並聲沉。幾家與大街，被毀多高林。小園一老
松，不惑到而今。枝茂早有巢，雲眼亦絕禽。四十年前手植 竟遭連根拔起處處呈瘡痍，正待市政臨。杜子

本高士，萬事總關心。爲有良朋來，中外所同欽。藉以平憂樂，宴饗會知音。香茶齊把盞，
美酒互勸斟。談笑環鴻儒，愧我只青衿。席前賞丹墨，設有即 席揮毫更與飽德深。歸家風已靜，夢
醒付小吟。記此難忘夜，並以表謝忱。

颳風約克過後五日臺灣中部南投發生七點六級大地震巨災延周圍亦有餘震釀成人數死
亡者逾二千受傷者達八千失蹤者不計其數樓宇倒塌財物損失之嚴重爲本世紀之浩劫
樹大招風古有云，鐘峰方過拔連根。今次風暴本港不少園林街道即又一村 一處被連根拔者或折枝者其數越百南投忽更如天陷，

人物紛遭似海吞。底事驚心生旦夕，是誰獲罪滿乾坤。同枝自有身同感，隔岸相望動魄魂。
季秋之望一行百五十餘人浩浩蕩蕩前赴南雄參加由香港何氏宗親總會同人捐資興建之珠
璣巷何氏大宗祠落成開幕典禮

聚族而居世代中，珠璣古巷出南雄。甘棠尚帶當年韻，陋室微憐舊德風。原有祖祠日久 失修面目全非祖廟
因而多再建，各族祖祠乃 多有再建宗人乃起繼鳩工。一園喜見開新象，堂上堂前並笑容。此時有感 天人共樂

途經曲江馬壩登獅子岩相傳岩洞內曾發見原始人骨云云
滇江過後曲江停，市集紛陳若眾星。詩問九齡人少識，岩云獅子世多經。齊齊入洞尋原始，
步步驚心悟杳冥。山水有情應笑我，賡籌此處盡名靈。

重過南華古寺

伏虎亭前又再來，寶林何日滿天開，九龍泉下曹溪洞，一樹菩提護法臺。

英德途中

英德途中日午時，兩旁農作惹沉思，當年吾祖躬耕讀，留得勤勞啓後知。

經皇岡站回港

日落皇岡鳥倦飛，晚林前路即回歸，願人同向全程望，今是休云昨盡非。

秉昌鄉兄不幸於季秋患血管栓塞在家暈倒送瑪嘉烈醫院救治經月不醒延至孟冬末日仙逝
寢不語兮食不言，斯人竟以此長眠。星沉不待千禧日，願了長流一浩然。遺世還多金石壽，
光宗留得子孫賢。詩書作述歸何處，香海容山到萬年。

澳門主權於公元一九九九年十二月二十日回歸祖國喜而記之

濠鏡松山四百年，前塵如夢復如煙。於明代嘉靖年間公元一五五三年一記一洋歷歷東西望，
為公元一五五七年為葡萄牙國人侵佔

關開重重內外連。底事天邊淪異族，可憐明末失英賢。冬殘喜遇回歸日，定步香江並著鞭。

宗彥厚鐸榮膺澳門特別行政區第一任行政首長賦賀

兩制宏開復漢風，既隆國運並光宗。廬江當日鳴三鳳，鏡海今天飛一龍。歷歷早承明德後，
堂堂益顯達人丰。君之先翁賢公畢生富而好禮愛鄉松山日月將何似，佇看青雲出九重。
愛國夙載盛德美譽於中外各地間

喜迎公元二千年兩首

浩蕩乾坤萬古前，紀元欣啓二千年。幾番風雨終平靜，世紀內歷經兩次世界大戰
及多次地區性種族戰爭多少英雄最

可憐。願世長開安定日，環球齊誦大同篇。天時地利原常遇，全賴人和共一肩。

光陰百代笑循環，喜會千禧豈等閒。來日當春欣漸煖，好花到處待開顏。漫云往事多如夢，
只重親仁最有關。願舉壺觴邀遠近，同歌盛世壽河山。

李丈本立自鄉來港與兒孫歡渡千禧有感賦一律約示於鑽石酒樓讀後步韻奉答
人生難得會千禧，世事何妨任己而。來者可追能共勉，便然無往不相宜，細觀萬戶紛除舊，且看千花欲弄姿。片晌登樓同一笑，君真吾友亦吾師。

曆學世家蔡伯勵鄉丈招飲鄉會同座楊善深韓中旋賴本能李銳祖胡卓麟盧廣基容繩祖等
歲闌齊列坐，異地亦鄉風。臘酒長魚味，談今說古中。知天東道主，論畫嶺南雄。一醉同何似，迎春滿笑容。

龍年詠龍 庚辰元旦公元二千年二月五日

朝游北海午雲眠，雷電飛騰暮宿田。得志當非蛇渾雜，爲靈惟與鳳翩然。曾於函谷遺經去，小臥南陽待禮延。此日僧繇圖壁上，點睛云可任昇天。

春興爲多倫多晚晴詩社寄題

春去春來暮暮朝，江山如此又元宵。家家燈火光同晝，點點鄉心漾似潮。有酒真宜邀月飲，裁詩正好對花聊。去年憂樂曾多少，都願憑將一醉消。

前題之二

八十年來七會龍，桃花一笑又春風。惜吾素乏凌雲志，到老徒增羨綠叢。掠鬢燈前容漸白，支頤酒後尚微紅。移時荆室盈盈笑，坐聽兒孫萬里筒。

龍年祝福爲健社春宴命題

琴鳴笛奏接良辰，彷彿河圖又海濱。曩日誰人曾見首，今朝萬戶奉爲神。齊齊祝願炎黃裔，樂樂同沾道德因。植福迎祥三教典，亦儒亦佛亦全真。

退閒感言時公元三月一日辭去公職鄉會暨所屬學校商業英華證券公司

歷歷形形役，時虞愧不才。知還隨倦鳥，遊戲值春臺。往事多如夢，當前幾盛開。好乘天賜

日，漫步晚林來。

家叔惠微畫讀李義山詩後賦二十截句題爲一點靈犀曠代通書成長卷屬題其末
一點靈犀曠代通，西崑餘韻落薇翁。廿篇風詠傳珍重，千百年來證不空。蠟炬春蠶容有淚，
青天碧海望無窮。全唐學杜知誰冠，步李當推我老宗。

家幼惠寫千字文長卷屬題

畧誦千文小，靜觀萬象深。憑君揮妙筆，一字一黃金。點點生珠玉，畫畫滿銀鉞。是真書極
品，是真無量供摹臨。自然師道法，莊重付儒林。移諸研佛學，益起菩提心。還將化異族。
邪氣可不侵。他年藏史館，靈光照古今。

容奇桂洲兩鎮合併爲容桂鎮時維公曆二月二十九日賦賀

同氣連枝共熱腸，容山桂水並天長。桑田曩日齊耕讀，工貿於今互發揚。自助助人成大器，
順流水匯汪洋。雙雄結合三才盛，好爲鄉邦邁富強。

順德市爲興建順德大學籌款舉辦萬人行點數超過一萬三千之多時維公曆三月二十六日
鳳城春色氣騰騰，夾道歡呼浩蕩行。萬眾一心齊健步，百年大計培賢能。當前巨任歸羣策，
無限上游仗力爭。指日功成光德勝，士林環轟彩雲層。（庚蒸二韻同用）

世界順德聯誼總會第二屆懇親大會由香港順德聯誼總會主辦時維公曆三月二十八日

如雲冠蓋滿堂紅，四海一家此夜同。共話桑麻忘少長，頻添杯酒論英雄。鳳山雲塔多增采，
世代源流幾立功。五百年來情永固，自當長繫故鄉風。

李汛萍老先生仙逝輓文先生大半生從事中學體育美術教育晚年專授國畫桃李滿門

武藝桓桓並質文，丹青翰墨自風雲。樹人樹木功無量，立德立言道逸羣。萬里黃河方滾滾，
長庚天上忽曛曛。香江此日哀山笛，北望東官倍愴神。

先生曾親赴黃河上流沿岸而下寫成長
達近三百尺長之黃河萬里圖以傳後世

陳禮源擅篆刻爲西泠印社社員時以所篆印章見賜乃值茗會市樓書一便面奉謝

春日融融喜氣洋，萬花如海鳥聲鏘。高樓興會多詩話，清茗頻添當酒嘗。錦袖忽呈金石壽，法刀篆出夏商章。神乎其技西泠韻，一試硃泥楮墨香。

茶經敘詠爲多倫多晚晴詩社寄題

俗世浮沉幾重輕，幾爭朝夕幾溫馨。漫憐一霎莊生夢，好愛多談陸羽經。水熟最宜流蠓眼，香騰不覺化龍形。金芽玉露砂壺畔，兩翼生風萬慮清。

輓洛杉磯晚芳詩社名譽社長劉鏡如老先生爲該社創辦人早前曾旅居越南

越裳洛市並蜚聲，詩國誰人不識荆。世系源流興漢業，吟風有自接彭城。指劉爲錫別字夢得晚芳創立

謀同道，春夢忽驚謝老成。此日忘懷歸極樂，信安杖履杳雲程。

輓洛杉磯晚芳詩社當屆社長譚明夫先生抗日戰爭時以黃埔軍校出身曾爲國馳驅

客歲高樓會洛城，依稀杯酒尚餘情。忽傳大雅乘風去，遙望雲涯帶淚驚。八載功懷投筆日，十年管領振天聲。先生歷任該社社長長歷十年之久爲靈當與英常在，大地長留不朽名。

賦閒三首

歲月催人老態呈，耳聾尚喜眼微明。偶觀林外羣芳笑，頗愛庭前細雨聲。心拙難追新學問，意閑惟漾舊時情。如何重補讀書日，願借鄰家一本經。

借得鄰家一本經，一觀真似夢初醒。空憐到老爭朝夕，彌愧當年負父兄。展卷挑燈終恨晚，濡毫染墨每忘形。江山日月長依舊，可奈人生有限程。

一念浮生有限程，尋仙何處可延齡。學玄學佛愚難及，課子課孫愧不成。家室相安憑祖德，髮膚長念在天靈，光陰若許還虛度，願賞長松歲歲青。

香港中國美術會第八屆雅集端午節前二日設於粉嶺雲泉仙館

荔熟蟬鳴又鳥聲，荷塘風細葉亭亭。爐香仙館煙騰篆，節近天中地倍靈。游目一時無定界，騁懷幾度笑忘形。筆歌墨舞雲林畔，彷彿泉流響道經。

湖北省詩詞學會荆州市詩詞學會荆州市民間文藝協會等主辦荆州龍舟節大會

蒲雨荷風荔熟天，宜詩宜畫樂陶然。喜逢端午迎佳節，讀到離騷念往賢。對酒何辭同一醉，賽龍欣遇再千年。荆州自古文明地，會見今朝錦萬篇。

前月讀報載有關機構動用逾五千萬圓在港拍賣行投得當年英法聯軍入侵國土時在焚燒北京圓明園前掠去國寶中之清乾隆間製造之鏤空六角瓶及銅製虎首牛首猴首共四物云云。國寶求沽善價時，萬千感慨費憂疑。當年英法聯為隊，乘我炎黃一睡獅。歷歷圓明遭火劫，重重外侮痛沉思。可憐今日言民主，竟是前身此類夷。

蒲節次曰小山居士潘新安招飲嶺南會所同席陳一豫酒後有詩寄示讀後步韻分呈
旨酒嘉餽願又償，清談妙論味兼長。好同落眼皆宜醉，安得無花不向陽。且望眾生衣食足，相尋淑世史經香。天涯難得同今夜，醒我愚蒙潤我腸。

健社雅集五十周年社慶會於蒲節後二日

數符大衍命天知，酒畔燈前話往時。過去幾人曾學易，相將餘事記於詩。尚欣歲月花同笑，坐對江山志不移。今夕舉杯齊祝願，從茲步向百年期。

夏至前五日與薇菴宗丈康廬詞丈早茗後同訪碩果社健社耆英黃相華丈於紅勘長春安老院

百尺南樓盛夏天，耆賢中會一高眠。相逢自覺三生幸，與語同回五十年。此際儼然希四皓，論齒時相華丈九十九康廬八十七薇菴八十三余亦年方八十矣臨風難免互微憐。一觴一詠從頭數，碩果還開健社前。

伍志傑鄉兄詩書畫印文集屬題伍兄久居澳門現任澳門藝術研究學會主席

丹墨淋漓造化工，並融金石富詩筒。蟲魚花月隨緣出，鏡海時流鳳嶺風。

容桂十景之溪橋初步

始建於明朝成化十六年公元一四八零年至清朝嘉慶間桂洲外村貢生胡俊書題有花洲第一橋字額花洲為桂花洲之簡稱於一九五八年重修

桑田當日富漁樵，築得花洲第一橋，五百年來通兩岸，幾番風雨到今朝。

容桂十景之長塘夜月

此地為早期葉氏聚族而居乃昔有葉地長塘之稱開門上曾刻有橫塘世澤字額今已不存並闢為公眾休閒場地與民同樂矣

橫塘世澤葉家風，綠柳依稀夢寐中，碧水藍天明月夜，華燈笑比舊時紅。

容桂十景之青霄遠眺

青霄閣建於獅山公園松柏康樂中心之間閣高三層每逢春秋佳節不少市民登臨遠望遊目騁懷

巍巍高閣逼青霄，遠近峰巒似畫描，佳日每多憑檻立，臨風把酒互歌謠。

容桂十景之文塔朝暉

塔高七級清代乾隆五十九年公元一七九四年為外村胡氏家族興建每層有名家題額為飛出上青霄秀甲獅陽聚奎閣題名處涵高下鳳鳴靈照

秀甲獅陽起外村，四山羣赴世同尊，一溪如帶長流遠，塔影常猶漾洛源。

容桂十景之大鳳來儀

大鳳山在容奇拔地而起主峰曰金釵頂以形似也山前有重簷畫棟之牌樓座接遊人上刻有大鳳來儀四大字

勝地由來立石牌，名山有頂號金釵，松濤竹雨疑鳴鳳，比翼鸞飛出海涯。

容桂十景之容山書院

建於清代嘉慶十三年公元一八零八年位於容奇大沙浮岡之下為前代士子進身科舉學習之地至鼎革後改稱中學幾經擴建於今為盛

時雨春風二百年，樹人樹木數前賢，立言立德開新象，黌宇重重氣萬千。

容桂十景之雨花甘露

雨花寺之建相傳為明末高人士古止和尚自北南來在清順治年間築屋安鉢於容奇小沙浮山下而起前賢岑學呂數度到此曾以聯文題壁多處

山門歷歷幾重修，諸佛無言法自流，多少世人曾幾度，來尋師尚問從頭。

容桂十景之榕樹生橋

原名鴨涌橋位於容奇水仙宮畔橋頭原多古樹大可參天而橋則日久漸趨破落鄉人乃引樹之粗大氣根以為扶手得名從此轉危為安

樹有龍鍾老愈堅，年年涌畔醉冬天，一朝橋有搖搖意，引臂扶持化自然。

容桂十景之白蓮香遠

傳說觀音堂建自南宋盛香火而向十八座山峰乃有十八羅漢朝觀音之形象堂前有池傳云亦有靈異每種下紅蓮種子皆結白花因而得名

千年古廟一聲鐘，座接雲環十八峰，池種蓮花皆白色，信知菩薩盡莊容。

容桂十景之勝海飛虹

容桂地區海面稱德勝海對岸通大良以至廣州海面深闊舟行西通肇慶梧州南往江門石岐港澳近年建有容奇大橋德勝大橋以暢車行

昔日扁舟向浪衝，今朝跨海駕雙龍，平明每覺飛虹象，天地人和邁大同。

二山文韻承岑文鄉文寄示此題屬爲相與吟詠亦爲容桂鎮詩聯社作容桂十景徵詩之前後雁塔西南起二山，高低揖讓萬松間。川連桂水龍騰壯，靈接金釵鳳往還。樹木樹人敦化育，學詩學禮覺愚頑。山前更廣經綸地，五百年來耀宇寰。

馮康侯先生百歲明壽香港中文大學爲紀念其生平對校多所貢獻乃於文物館展出其書畫篆刻遺作蔚爲大觀誠一盛會因與適自美洲乘暑期回港渡假建成逸成澤成三孫同往參觀秋霖初放意瀟瀟，大學城中暑氣消。一館規模流世運，百年文物會今朝。蟲魚變化通丹墨，朱白分明極壤霄。難得眾孫同耐賞，老懷頓感興如潮。

世界詩人大會成立三十周年在希臘舉行雅集步台北中華詩書畫雜誌社蘇心絃韻分寄言志欣開而立年，萬方響澈九重天。羣賢畢集聲彌壯，同氣相求意遠綿。願乘興觀如海量，藉敦和睦似金堅。臨風更喜龍騰象，歐亞齊歌壽世篇。

秋日寄中山菊城仰鎬宗文有懷當年第四屆菊花大會承文高情欸待及引瞻前賢祠墓勝地情天盛古風，雲林水月伴籬東。深秋正好持螯日，淺酌還宜對菊叢。憶昔欣逢花甲會，藉緣參拜遠宗宮。廬江德業多君述，自見福門世永隆。

輓張操正詩翁秋日讀多城晚晴詩社雙月刊始悉翁之仙逝噩訊念昔日荔枝角海灣海浴爲竹棚初期起至轉青山近水灣同屬孔聖青年會泳友低徊往事不勝唏噓感念無已

春復秋兮逾卅年，青山荔海事如煙。竹棚道左爲鄰日，孔聖門前共此天。有幸他鄉同敘首，豈期一旦遽登仙。楓湖萬里空哀望，回首難忘幾酒邊。

自張翁移居加國後余多次於旅遊到此時每相會於文酒席次輒感天涯知己也

花墟公園晨運遇葉廖二君邀同四位女長者合拍一照喜而記之
益者逢三友，坤儀會四家。優游同眾樂，漫步賞朝霞。樹老身齊健，風清鳥互譁。江山無限意，何處採仙花。

落葉爲多倫多晚晴詩社寄題

又展歐陽賦，聲來自樹間。飄搖添畫意，滴瀝若更闌。片片隨風舞，山山像汗顏。門前閒不掃，似待煮茶還。

桂月三十日鑽石酒家午敘後與葉哲豪梁衍祥老瑞松陳少蓉同往東華三院方樹泉護老中心訪候羅竹坪翁因事未克同行者尚有潘小磐顧植槐羅鶴鳴潘思敏冼燮培陳卓陳明眞等

午敘能常宛弟兄，茗餘同候有同名。可因有土分無土，便覺無聲勝有聲。

其時羅翁已難發言

氣靜尚流

春睡意

翁為高劍父傳人

，神圓還漾故交情。起居到此由天定，一榻安閒好念經。

菊月初二日晨步花墟公園不慎跌倒頭部受傷幸及時被送明愛醫院救治至翌午始回家靜養在臥榻中回憶四年前曾在港島大道中路旁跌傷入院往事念此前後厄運其由積孽所致耶日昨方同護院來，今朝忽獨臨明愛。驚心竟幻化消災，閉目尋如觀自在，回憶年前倒路邊，豈期今又翻園內。天公其正顯威嚴，警我行藏曉以害。

趙翁大鈍移居澳洲屈指約廿年矣日昨接其隔洋電話互傾積愫之餘不勝萬里故人之感秋暮依然尚熱埃，友聲忽自海天來。溫馨訝比清風至，瞬息如親笑口開。遠道故人方萬里，當年往事幾同棹。雲山此際情何似，積愫同傾亦快哉。

鏗齋招飲後同席陳一豫詞兄先後賜示以詩讀後重步元韻奉答

式飲何妨甌復甌，漫云肉食遠無謀。忽逢蛺蝶方游戲，可笑蜘蛛在織愁。力不從心容負手，機如可待合寬眸。光陰卻感眞輕易，一紀將圓百箇秋。

悼蘭亭學會會長鄭家鎮歿於孟冬之日公元十月二十四日

夢裏偶然誦右軍，起驚嗟悼痛臨文。名山追念雙魚日，丹墨長流萬里氛。好惠青年弘學藝不勝今昔望天雲。騎鯨駕鶴將何去，信會金仙訪玉眞。

雲泉仙館第十五屆菊展呈吳耀東館長

雲泉彭澤各非常，難得黃花笑又香。不讓東籬凌露白，兼同三徑伴松長。青柯紫相儀來鳳，玉葉金英惹夢鄉，採得消災還壽客，龍年勝會喜洋洋。

羅浮雅集爲羅浮詩社袁振鳴有詩寄示約集以未克赴因步韻寄之

博羅自與會稽浮，按羊城古鈔載漢志云博羅有羅山以浮山自會稽浮來傳之故名羅浮從此名山冠上頭。觀號黃龍開聖域，松樓

白鶴伴仙樓。古今杖履尋玄至，多少詩書刻石留。四百卅峰千里地，又按羊城古鈔載羅浮周迴合有四百三十二峰

高人逸興又招遊。

葉哲豪仿青溪道人臥遊圖屬題道人爲明崇禎間進士明沒隱居山林從董其昌習書畫自娛

晚明一翰苑，程姓名正揆。端伯乃其字，博文而好禮。崖門弔古日，明末嶺南三忠之一陳邦彥雷聲堂集有崖門弔古

藏筆而去位。卜居江甯下，閒來聽鳥啼。優游此林泉，高臥號青溪。掃榻烹茶外，丹墨常一

揮。遂作臥遊圖，逾百傳後世。據傳有二百餘卷云松盒葉先生，依仁復游藝。乃四十年前，公元一九五三年

因緣逢天霽。莊重一臨卷，逍遙盡其勢。江山無限意，先後各壯麗。藝事足千秋，來者何時

繼。葉先生門下多子弟當有繼承之一日也

月前跌傷癒後復出花墟公園晨運偶占二首

人間重晚晴，難得更晨清。愛晚心常樂，逢晨步倍輕。雲天欣浩蕩，草木笑相迎。同道多曾識，閒談懶記名。《其二》行行歲月長，八十杖他鄉。有願天常佑，無求菜亦香。風和林遍茂，日煖鳥爭翔。莫道皆萍水，相逢各自強。

陳秉昌鄉兄逝世周年有懷

一年永別百年情，不朽哀同石曼卿。愧我空懷長墓草，念君惟信在天靈。光前裕後應無憾，歸佛從仙理隱名。自古聖賢終寂寞，臨風彷彿見生平。

順德聯誼總會胡兆熾中學建校二十五周年校慶有懷前賢碩德

二十五年幾鐸鐘，小女少蘭於九十年代曾長校政萬千桃李沐春風。靈傳鳳嶺昌文教，道仗胡公促大同。從

此先河開後浪，胡兆熾先生於六十年代為邑會首倡辦學，時至今日乃有共聞中小幼逾十間之多相將時雨遍鐘峰。臺前不盡懷經始，

回憶建校期間余當時兼任邑會主席，因對建校募捐及工程進行中曾盡棉力來者當弘百世功。

黎均全吳仁仁多年移居英倫曰昨旋鄉經港過臨相晤得償遙結翰墨今始識荆之緣

南國天高北國風，蓬門忽迓大詩翁。禮疎只備清茶待，簡慢倍羞老態聾。細聆佳音心甚慰，因欣僑士路皆通。鐘峰此際雲微冷，卻滿溫馨陋室中。

陳一豫七五生朝書懷屬和步韻奉答

喬松寒愈健，薑桂老彌辛。落落惟明道，謙謙益讓人。由來多麗日，合屬半閒身。坐擁詩書伴，何殊位北辰。

周千秋梁粲纓賢伉儷齊眉詩書畫集為公元二千年時九十與八十雙壽大慶而作有屬

禺山流世澤，鳳嶺配相莊。藝事齊三妙，春風及萬方。嵩齡始耄耄，大德頌陵岡。坐賞芝蘭秀，蟠桃滿錦堂。

多倫多晚晴詩社七周年社慶預賀

年會欣同北斗開，朋簪並仿西園來。金樽玉盞交添壽，寶墨瓊箋互展才。天運更逢新世紀，林花不讓故鄉栽。四時佳景從頭起，遙望安湖喜大哉。

庚長歲暮呈週三中環鑽石酒樓午敘週四油麻地敦煌酒樓午敘週六龍城鹿苑酒家早會週日

界限街口運城酒樓早會列位同座

或晨或午各陶然，論畫談詩任歲遷。窗外儘多忙似馬，座中幾許靜如仙。不求盛饌齊鄰席，只愛清茶共晚年，韻語偶揚當臘鼓，春回在望又新天。

歡送公元二千年

起立蒼茫臥息肩，匆匆笑別二千年。尊天自寶炎黃曆，壽世還珍禮義篇。指日又開辛巳始，回頭幾拜祖宗前。春秋儘有東西別，總願同心步聖賢。

內弟吳國寶榮任三藩市旅美三邑總會館主席時維 公元二零零一年一月十四日

世界宏開新紀，三邑大振僑聲。南海源流長遠。禺山人傑地靈。金門相尚以道，鳳嶺喜會齊鳴。少長欣然咸集，言行盡富鄉情。守望扶持相助，出入如弟如兄。基開百五十載，歷歷眾志成城。好值春風佳日，一堂蒼萃羣英。會看同心同德，齊步萬里鵬程。按該會館創立於公元一八五零年

辛巳蛇年元旦

天運循環歲又新，問誰前屬永州根。唐柳宗元有捕蛇者說永州之野產異蛇黑質白章云云不求有幸銜珠報，只願無遭當

象吞。餘日能延心尚壯，隔洋連接語般溫。燈前老伴俱花笑，喜念相懷父母恩。

東坡居士歸真九百周年紀念應洛杉磯中華詩會蕭一葦會長寄示按宋史列傳蘇學士官運平

平於徽宗時代以朝奉郎卒於建中靖國元年歲次辛巳即公元一一零一年春秋六十六云

不啖離支九百年，依然詞賦滿江天。西湖宿草朝雲墓，赤壁扁舟羽化仙。早許潮州將鍾祭，竟逢安石受南遷。眉山自有傳家學，昆仲光前壽大千。

春日鄉心試以水墨成圖一卷

容山桂水老家鄉，立禮興詩歲月長。塔影層層成鼎足，鳳城雙塔與桂洲文塔聖門歷歷載奎章。大成殿於公元一九

九三年重建於青雲公園橋邊尚記登文閣，閣高二層在桂洲外村原為胡族所建早已毀林外依稀講道場。處處桑田衣食足，家家

燈火史經香。殿壇宗廟如春雨，工貿僑聲遍遠洋。如此大千無盡藏，自然萬里有難量。由來佳景詩融畫，多少羈人月作霜。浩浩昊天懷罔極，兢兢寡過渡尋常。參差筆墨將何似，餘事無聊且一嘗。

花月應健社新春雅集命題

江山無限綠春臺，萬紫千紅遍地開。葉滿枝頭招蝶舞，花流水面引魚來。蓮開九品含香意，月朗中天淨劫埃。留得春歸樽有酒，好乘佳日會三才。

餘菴鄉丈突然於二月初七日辰時仙逝春秋八十又八（公曆三月一日）

鑽石樓頭尚午筵，

二月初六日中午

忽驚夢裏別人天。停杯問字哀難再，回首談詩痛惘然。一霎如乘黃鶴去，長將安抱白雲眠。燈前苦向春風問，太上憑誰定後先。

香港中國美術會第九屆雅集郊遊設於荃灣圓玄學院適逢該院慶祝道教節之期

細雨近蘭亭，玄都沐太清。靈光三教殿，氣化一鐘聲。仿步軒轅世，隱聞道德經。欣逢朝聖日，丹墨配花明。

春色撩人村口又一村學校斜坡杜鵑逾百株齊齊盛放乃三十年前余主校政時設計種下又寒舍門前兩樹狀似柚加莉初植之時其幹僅如童臂今則狀若巨人之腰圍矣近更由政府部門標上白千層之名晨晚出入因感草木有情惟人事無常耳不禁興懷書此也

暮春天色氣騰騰，巷口街頭策杖行，像鳥像花山躑躅，如松如柏白千層。忽憐人事多非昔，卻喜宮牆尚課生。安得普天同化雨，一村文采壽同登。

趙翁大鈍一別香江十五年矣日昨喜自澳洲言旋偕其千金冰冰應約小敘鳳城酒家同座有梁鏗齋梁蔚熙喬梓潘新安李鴻烈翁堉何叔惠何幼惠昆仲及陳一豫李國明黃坤堯相與話舊言詩清酌薄饌當前互祝珍重之後而別

別久情深似大洋，相逢喜共老彌強。欣同雅座春回煖，好借青樽水亦香。且放當前忘往事，憑將笑裏潤詩腸。何時復得今宵約，會到隨緣又舉觴。

閒門靜坐

開門無別事，靜坐偶浮思。樹老輕飄葉，花香任折枝。肥魚先定席，瘦鴨緩烹期。誰識羣生相，隨緣任所之。

仰鎬宗丈歿於辛巳仲春丈世居中山小欖梅花洞畢生熱愛鄉邦宗族歷史文物其中於重刊欖溪何氏詩徵補輯續集時曾謬屬一序及去年屬爲栗公太祖太祖妣繪像以時日遷延至前月始成得託紹雄宗兄送呈覆命旋承賜電話回示言謝不意匝月之間遽傳鶴駕至深悼念屬繡先賢象，覆呈愧誤時。豈知因有話，便痛再無期。梅洞飛仙去，菊城靈遞馳。雲天同雨淚，哀讀欖溪詩。

思親節曰

家家寒食夢常侵，是喜是憂每夜深。北望關山情倍切，空懷廬墓苦難尋。祖宗如在天之上，子女應同我此心。追遠慎終慚夙願，敢期孫輩愛鄉音。

端午應洛杉磯晚芳詩社寄題

清和節後接端陽，荔雨荷風日漸長。每遇嘉辰傳競渡，都將異地當居鄉。橋邊巷口依稀是，雷鼓雲旗遠近揚，最更難忘兄弟妹，童年角黍互爭嘗。

詩鐘學叢輯乃鄉丈周益伯遺稿中之一

丈歿後其姪鐵株先生曾於一九九二年爲其整理出版拾翠軒文藝選集今又編校刊此傳世讀後贊歎難已

蜂腰鶴膝久彌疎，忽喜猶龍起逝波。

文別署爲猶龍山人

萬里當年存拾翠，連篇今日載聯歌。正聲歷纘

寒山集，彙格還從海角多。展卷有懷隨步日，依稀往昔沐春和。

辛亥革命九十周年紀念

碧血黃花起五羊，武昌繼召義旗張。古今上下循民本，東北西南復漢疆。歷歷難忘孫致力，齊齊邁向大同章，神州浩蕩欣今日，當念當年爲國殤。

某日晨過九龍塘區附近多學校因遇不少匆匆上學子弟忽懷愚夫婦早年接送子女就學往事

街頭自笑過來人，晨遇聯羣接步頻。回首頓憐天老我，放懷卻感日常新。樹人樹木欣欣業，車去車來細細塵。若問龍塘今勝昔，誰家子弟最尊親。若問園林今勝昔，誰家住有百年身。

澳門八景爲香港科學藝術交流中心作

冉冉靈光靄靄煙，雕闌畫棟起南天。門臨鏡海魚龍界，日落沙邊鷗鷺眠。澤潤生民多厝戶，德周化宇匪耆賢。鑪香待得回歸日，雨順風調謝大千。《順德陳興畫媽閣紫煙》

望廈堂堂草木深，鑪香經卷磬鐘音。旂揚普濟多方便，樹結連枝快活林。好爲眾生消歷劫，常將甘露沛春陰。任教門外喧車馬，一盞梵燈自古今。《順德關應良畫普濟尋幽》

鐘鳴鼎食至今傳，多少樓臺宛一村。不盡春風秋雨過，依然花月鳥聲喧。橫塘尚秀濂溪韻，裂石猶流木本源。遠近闌干橫曲徑，夕陽無限認盧園。《順德羅冠樵畫盧園探勝》

巍峨一座大三巴，歷劫空留照晚霞。頗似阿房遭楚炬，只餘危壁敵風沙。從來多少徐行客，不問興衰但獻花。三百餘年終屹立，回歸之後屬誰家。《順德老瑞松畫三巴聖蹟》

一塔崢嶸東望洋，光芒不讓電之強。當年古炮還同立，遙目珠江遠益揚。雲影寒時迎雁落，松濤暖日幻龍翔。乍看似得浮屠意，只欠禪門炷炷香。《新會羅鶴鳴畫燈塔松濤》

炎炎夏日意姍姍，漾碧浮光有幾灣。頗羨黑沙甘寂寞，任由白鷺自偷閒。不矜破浪乘風去，喜待歸舟唱晚還。願與游人齊一笑，回頭是岸是松山。《南海葉哲豪畫黑沙踏浪》

一龍又繼一雲從，鐵骨金睛任雨風。勢似長虹橫澳飛，車如流水自西東。不驚濤浪撐天立，好爲工商利路通。兩岸卓然成縮地，往來多少是英雄。《東莞香根泰畫鏡海長虹》

石徑幽深樹影紅，原來天地屬漁翁。鳥啼春夢龍游淺，室築西洋廟向東。月落偶疑塵世外，花飛還覺畫圖中。江山無限隨人笑，好待松林復漢風。《浙江金舜影畫龍環葡韻》

節廬詞稿

冠樓署尚



節廬詩餘

倒垂柳

餘菴岱員遊觀阿美舞歸將豔昵之圖見示並倚此闋索和

蕃山多絕色，似花芳，如水美。況輕盈舞步，誰者不歡喜。何爲小蠻笑，獨向安仁倚。歸來開鏡匣，驕其朋舊眼底。當時同蒞。妒盡潘郎應此是。二橋攬東南，我亦凡心起。天許有緣，休論灰已死。溫柔香膩，願一分流水。

滿江紅

潘文學增留別香江親朋次韻寄奉

逆旅人生，匆匆事，飛蹄走轂。難忘是，識荆鄉會，兩明心曲。月白風清閒富貴，步安食晚當車肉。樂餘年，歸去會團圓，何須卜。春正茂，揚沉伏。心隨分，情應足。儘琴書一榻，休論榮辱。睡起偶拈文虎韻，茶香直透詩人腹。問街頭，可有舊時風，呼沽粥。

雨中花慢

過聽曉山房遇雨同李子誦曾敏之馬國權韓穗軒周南懷等主人固風雅之士因議倚聲斯調初夏瀛洲如夢，渡口煙霏，嶺上雲稠。且與素心聯襟，舊地重遊。舒眼迷濛，雖無蛺蝶，卻有鳧鷗。看鑿井治舍，栽蘭種柳，粟里堪倚。王喬烏化，王生襪解，浪放共上吟樓。樽滿酒，壁環書畫，榻備徐留。風雨何愁瀝瀝，江山正釀油油。沐暉臺上，晦明安問，動動休休。

柳梢青 錦山春楔步其政韻

紫竹青坡。綺闌錦水，日午風過。煙裊香爐，鐘傳下界，勝跡何多。春山如送秋波。難得效，蘭亭醉歌。舞蝶撩人，飛花入座，歲歲臨哦。

少年遊

海誓詞社月宮樓午敘次劉佩蕙元韻

唐宮氣象漢宮紗。裙屐間喧譁。笑謔何妨，莊諧無禁，不語只年華。相逢多半曾相識，座上幾詞家。歲月同閒，憂勞且歇，茶煮雨前茅。

前調次梁其政元韻

滄桑幾閱眼猶明。兩鬢但星星。海澨棲遲，鄉關遙望，彈指又蟬鳴。閒來偶憶英年事，冉冉似煙輕。旗鼓神山，杯盤祠社，競渡更豪情。

菩薩蠻

荆翁杖朝之慶步韻奉壽

堂堂獨漉傳香海。不知幾度花枝改。坐閱翠微煙。琴書記少年。詩為君子樂。天許春風約。今夜玉樓清。長庚分外明。

鷓鴣天

應菲島寰球詞苑課題旅懷

四十年來秋又秋。燈前每憶舊時遊。兵中羊石罹倭獄，劫罅濠江醉市樓。花易落，水長流。人生幾見月當頭。如今幸喜腰還健，戲海攀山興尚悠。

抗戰時曾遭日敵拘留穗市西憲兵總部十九日嚴刑虐待生死繫於一髮

鷓鴣天

應菲島寰球詞苑課題驛路雞聲

驛路蕭蕭萬里遙，幾歌擊楫幾飛輶。燈殘客舍喧雞鷺，柳綠江湖怨笛簫。繞鳥道，又霜橋。邨前市集湧人潮。曉籌而起孳孳者，誰向康莊接舜堯。

浣溪沙

應菲島寰球詞苑課題春光

雲日朦朧若夢輕。鳥聲花氣滿香城。遠山遙望近清明。詩債偶忘春日約，酒盃猶待故人傾。江湖況有未曾經。

水龍吟

乙丑歲暮與同邑多人勝遊於博羅道上

松陰大道初陽，逍遙十里如繩直。輕煙冉冉，好風細細，車疑有翼。壑壑高低，人家三五，似曾相識。幾西湖回首，泗洲塔影，休攜去，留蘇軾。一路景同仙織。又盈眸，羅浮山色。葛巖朱洞，臥遊多矣，而今可即。如此人間，春光在望，有梅消息。問誰能與共，峰巒四百，暢登無極。

東風第一枝

梁鍤齋建熙喬梓招飲同坐陳丈荆翁趙師少昂張韶石趙少鸞

煙景浮光，峰巒環碧，人間宛留春節。漫憐燕子遲歸，且聽江流不歇。鼇洋此夜，暖還寒，客心猶熱。料故園，幾樹紅棉，朵朵含苞方裂。高樓會，長幼坐列。誰酒傑，誰詩最捷。風華喜近隔山，逸氣還接蒼頡。玉闌干外，正燈火，銀河同澈。謝情天，益友良師，何日再逢斯設。

齊天樂 風雨故人來

一簾秋意瀟湘碧。簷外偶聞滴瀝。暑氣全消，遠山如洗，惹起丁年尋覓。葛裘幾易。正樹底蛙鳴，巷深地僻。雨雨風風，半間中半帶枯寂。故人久無消息。忽翩然蒞止，鳧化雙舄。剪韭當年，論文此夜，難黍何分今昔。溫溫重炙。問棧道淋鈴，晚林甚色。會會離離，竟天涯咫尺。

滿庭芳

張丹鄉大家別署佛洒設意蘭畫舍癸卯繪二十四番花信風圖同邑梁女史粲纓爲書卷首復得八女詞家分序八氣二十四候詠題於末眾妙光凝爲張大家畫品中唯一巨製世罕知者今春應鄉會會慶書畫展以之出示同好因獲拜觀之緣敬而識此

寶相多妝，疎枝橫落，次第破白含紅。春回有訊，玉版繡東風。不必幡鈴呵護，萬千態，笑巧顰工。年年會，讓梅先發，讓棟殿芳叢。

葱葱。還若隱，雲邊芝草，野外仙蹤。恍曾招舞蝶，更惹遊蜂。似此移根有術，前身是，學圃天宮。高樓上，故園風物，一卷畫圖中。

附錄八女詞家題詠

小寒 蘇若蕙

惜春偏恨探春遲，沉醉東風冷豔姿，除卻我心還玉潔，只宜明月照冰肌。

梅花

乍見依稀是木樨，馳名品種出滇西，泡來作飲功誠偉，不讓祁門價值低。

山茶

草本叢生屈復伸，冠黃蕊白暗浮津，香塵微步侵羅襪，疑是凌波洛水神。

水仙

大寒 梁絮貞 何叔惠夫人

芳心容與訴東風，夢阻廬山一萬重，莫向枝頭怨紅杏，香窠沐露太匆匆。

瑞香

九畹蘭開掩眾芳，幽姿楚楚異尋常，春風綠遍江南岸，寶髻簪來發古香。

蘭花

元鳥司分薦采和，玲瓏葉底占春多，柔風細雨芳菲節，恍惚身疑到普陀。

山礬

立春 楊淑明 蘇文擢夫人

上日微陽動，撩人一蕊中，芳菲何處是，認取淺深紅。

迎春

點點宜春薦，離離滴露珠，若人非內熱，肝肺出紅腴。

櫻桃

遠近春無數，揮毫雨露勻，佇香宜小立，清徹畫中身。

望春

雨水

王慕潔

陳秉昌夫人

性甘淡薄故根香，誰識此中滋味長，莫道荒年有饑色，花時璀璨換金妝。
 菜花
 青帘飄處隔邨紅，露粉凝脂細雨中，折甲紛紛春意鬧，一枝紅豔壓芳叢。
 杏花
 一春消息總無言，下自成蹊見道存，羞與天桃爭豔色，淡妝如許亦生溫。
 李花

驚蟄

潘思敏

陳荆鴻夫人

芳郊十里門紅妝，片片繁英映夕陽，一自武陵人去後，不知何處是仙鄉。
 桃花
 花萼相輝倚畫樓，春風無恙上簾鉤，從知四海皆兄弟，底事天涯動客愁。
 棣棠
 蜀錦湘紈取次裁，賞春心事逐人來，因風欲向黃鸝問，架上花枝開未開。
 薔薇

春分

黃倩芬

李雲倚夫人

舊夢初醒飲玉脂，春陰許護惜芳時，憑將彩筆添穠豔，金屋凝妝競秀姿。
 海棠
 一抹春痕帶雨開，煙籠十里砌黏苔，香風有信迷雙蝶，錯認東牆去又來。
 梨花
 瑤臺玉蕊暗飄香，倒卷檀心恨短長，空谷煙沉垂露重，湘魂悽斷月昏黃。
 木蘭

清明

黃麗貞

蘇旭昇夫人

深院濃陰百尺樓，娟娟桐鳳合為儔，鶯飛草長春如繡，細雨黃昏為底愁。
 桐花
 細浪輕花入望平，香飄九陌報春晴，油油玉蕊懸雙穗，誰慰丹陽石曼卿。
 麥花
 風送春城滿座香，漫將離緒壓金觴，濛濛望斷章臺路，飛絮柔絲一例狂。
 柳花

穀雨

郭育平

天香豔壓群芳譜，北國南移萬里來，今世難逢唐學士，春風拂檻為誰開。
 牡丹
 茶蘼花放殿芳春，細雨微風色更新，別有幽香堪入韻，閒屏矮架淨無塵。
 茶蘼
 閒庭香動春風老，綠滿江南最後開，十萬金鈴藏碧宇，繁陰長護玉樓臺。
 棟花

臨江仙 兔年詠兔

龍兄虎弟傳佳話，幾時曾住蟾宮。揚鬚弭足自雍容。晨餐芝草地，暮宿桂花叢。毛白眸朱呈瑞氣，卻憐常遇逢蒙。古今多少事相同。漫教三窟計，忘了有罡風。

醉花陰 菊花

金英玉蕊香侵袖。直與人爭秀。攜酒又登高，極目鄉雲，三徑松同茂。多情更欲東籬就。況在黃昏候。賞晚節西風，既步參軍，復繼淵明後。

踏莎行 聞雷

霧裏繁花，雲邊綠樹。不知春夢歸何處。他鄉已慣夜沉沉，忽驚一響光爭曙。霹靂轟碑，英雄失箸。千秋往事隨風去。動威彰德本中和，呼來時雨滋黎庶。

木蘭花

菲島寰球詞苑紐約四海詩社聯盟之喜

一期詞學垂千載。一以詩聲揚四海。任從日出隔東西，難得鷗盟相冠蓋。珠聯璧合多文采。萍水他鄉彌汎愛。未因蠻貊偶崎嶇，花落花開春永在。

唐多令 茶

莫笑酪漿奴。休提是苦茶。瑞草魁，高出天都。葉綠芽黃含玉露，更禪味，散虛無。不必問鵬圖。閒來一盒酥。任由他，紅粉當爐。我自花間師陸羽，滋儉腹，洗糊塗。

滿庭芳 龍年端午

額點硃砂，門懸艾虎，小時節賀端陽。離支雨過，錦浪看龍艘。多少鄰家兒女，浴蘭後，衣綵囊香。效漁叟，橋邊渡口，初學木魚章。洋洋。誰尚記，樂忘天地，愁付爺娘。願年年午日，歲歲蒲觴。幾許湘江餘韻，芳草夢，流播他鄉。莢光下，聲聲旗鼓，一樣意飛颺。

浣溪沙

戊辰歲闌李曲齋自穗蒞港小敘鄉會同座維瑁丈荆翁夫婦鏗齋餘菴家叔惠秉昌暨賀文略百代光陰一轉眸。蓬飛萍聚任時流。故園消息總悠悠。遙望梅花寒欲盡，且斟清茗話從頭。鄉情一片滿層樓。

湘春夜月

舊衣爲愉社雅集課題因檢視櫥中衣著最耐久者是此始自一九四八年置也

數寒暄，異鄉衣食隨緣。幾許亞雨歐風，一襲睡袍穿。樂與共於朝夕，緩帶寬寬袖，不讓溫紈。奈歲時易逝，江山易老，虛度蟾圓。人情冷暖，燈光左右，花落無端。試問當前誰得似，盛衰相守，終始相歡。編條夾袋，四十年猶尚俱全。效晏子，比狐裘耐久，隆冬獨擁，炎夏高懸。

滿院春

鏗齋鄉詞丈美蘭關夫人伉儷花燭重逢時維辛未冬月

如玉如金日月過。杖朝年又小登科。喁喁細語認初哥。極婺齊輝光萬象，東南滿座祝三多。一堂詩酒壽山河。

燕春臺

步朱丈百端寄示一日花園韻

路上行人，樓頭醉客，無非逆旅萍蹤。一日園遊。可曾賞此神工。閒來歲月玲瓏。莫虛過，姹紫嫣紅。太平山下，宋王臺外，猶帶唐風。熙熙市集，歷歷林泉。魚游水面，蝶戀花容。青天明月，多情還與人同。如此風光。任流連，也任驚鴻。望長空。千載悠悠意，雲去雲從。

人月圓

壬申中秋夜與內人三兒同坐沙田賽馬會

江山自古皆詩畫，桂樹況含香。憑闌一望，雲爭月白，水共天長，朦朧老眼，千秋似昨，萬里如鄉。樽前淺醉，懷忘得失，話益清涼。

浣溪沙

癸酉秋望偶得

木葉蕭疏露氣侵，無端離緒又沉吟。蟾華微笑似知音。五十年牀前地上，三千丈白髮童心。湖山幾許待吾尋。

滿庭芳

步百崙丈韻爲愉社課題月當頭夜

綠水長流，青山不老，誰說歲月無情。苔岑幾約，畫伯與詩英。五十年來海角，一村又，柳暗花明。更難得，蟾華伴我，把酒笑雲瀛。連稱。連顧影，飄飄若起，笛韻簫聲。念聖賢寂寞，飲者留名，且效青蓮學士，眠市上。彷彿曾經。如何又，涼風一陣，葉落滿階庭。

鷓鴣天

乙亥增城荔枝節乘興而回作

梨味冰肌葉不塵。西園一樹倍超羣。絲絲掛綠傳仙子，相傳何仙姑當年在西園荔枝樹下繡花遺下色絲一線成此異蹟顆顆如珠像太真。方綠雨，又彤雲。蒼天偏厚嶺南人。新塘道上紛回首，彷彿東坡有屐痕。

浣溪沙

新塘道上

聞道仙姑此地生，朝餐雲母暮飛騰。相傳八仙中之何仙姑乃唐代增城何泰之女遇異人引登羅浮採雲母食之成仙滔滔往事更何憑。

忽記增江前後集。陳恭尹先生獨鹿堂詩編目陳荆鴻箋注當年獨漉此艱行。似曾相識只雲層。

風入松

和韻九三老人李文壽堅自三水寄示丙子冷春遣懷乙閏

安能歲月可回流。一棹返園疇。復尋少小天真樂，花分路，月踏芳丘。笑我還多奇想，空期

捷報傳郵。餘生儘且住香洲。雅會許同遊。閒中領畧高人韻，偶罇前，一醉忘愁。但願言旋有日，曆書細看春牛。

風入松 和韻李丈壽堅自三水寄示丙子重陽

匆匆又過了重陽。松菊晚江鄉。悠悠惹起懷歸夢，青燈下，夜氣方長。一陣西風掠我，空憐去日堂堂。願隨緣陟彼高崗。俯仰沐晨光。襟懷滌蕩忘憂樂，只浮雲，盡入詩囊。懶管人間得失，由他奪霸爭王。

減字木蘭花 戊寅冬至回鄉出席黃節學術研討會同行黃坤堯贈此和韻答之

流風無定。一說蒹葭心轉靜。合調齊絃。國粹天聲四海傳。容山桂水。承問家鄉多謝意。往事如眠。且聽高言共酒邊。

柳梢青 己卯上元次日和韻李壽堅寄示戊寅月當頭夜院居有作

日煖夜涼。元宵過後，靜似禪廊。心內無端，風前自笑，安得飛航。花開總算逢場。平生志，惜非袖長。臘鼓年年，春燈歲歲，愧望邦鄉。

少年遊 佩蕙詞大家移居美洲多年忽自遠寄示其大作蘭館詩詞乙集詞二百四十六首中

赫然載有十餘年前於海聲詞社雅集和作一闕爲報美意因重次其韻呈謝並候自憐老眼半分明。歲月像流星。但願花前，還從月下，常接漢唐聲。德音忽展逢初夏，欣慰一身輕。蘭館詩詞，天倫朝夕，萬里羨怡情。

減字木蘭花 己卯歲暮黃坤堯博士賜讀大作清懷詞稿和蘇樂府巨冊洋

洋四百多闕中內竟載前惠我此一高調因步元韻奉謝再呈

清詞方定。一卷遙頒風正靜。展誦華篇。韻和坡仙足世傳。行雲流水。異代相輝多美意。燈火連天。會喜千禧共吟邊。

浣溪沙

庚辰仲春鄉丈陳天如時年九十有一寫龍應節寄自澳洲屬和回憶十九年前歲辛

酉同游錦山文社春楔雅集時丈曾繪一蘭亭勝蹟圖見賜因以此入記奉寄之

往事難忘是墨緣。任相萬里隔雲煙。錦山春日記從前。

贈我蘭亭圖永好，每逢三月杏

花天。臨風把酒宛當年。

西江月

庚辰重三接李文壽堅時年九十有七自三水西南敬老院寄示茗趣之作步韻奉答

無限江山如畫，有緣沽酒村家。晚來倍惜此年華。且任燈前花下。莫道風吹無定，天將歲月留情。春歸未覺冷清清。正好一壺香茗。

臨江仙

偶讀三國演義卷首載明代大家楊慎升庵此闕起句滾滾長江東逝水後步韻有作

花落花開開又落，木棉幾換英雄。歲寒松柏自撐空。相將籬晚節，還任海棠紅。瞬息百年憂樂日，幾番微雨狂風。且從聚散順時逢。江山千萬里，依舊畫圖中。

鳳凰臺上憶吹簫

步岑文鄉丈爲主輯二山文韻刊成有作寄示元韻

文集內載梁耀明李本立何竹平岑文四人之作

名並容奇，靈環德勝，登臨好約春陰。蘭棹驢車日歷歷而今。可喜情天樂土，風雨後，四海歸心。時難換，鄉音無改，一樣沉吟。

沉吟。依稀往事，明月光牀前，夢裏推衾。早起開郵匣，多是佳音。知我容山桂水，相結合，政教如林。從今後，地靈人傑，蒂固根深。

憶舊遊

辛巳花朝感作

天涯縱北望，柳綠花陰，雨散煙騰。鄉井今何似，問簷前歸燕，誰舊誰新。涼風微吹雙鬢，顧影忽頻頻。念巷口當年，橋邊往日，無限芳芬。

留痕，愧回首，少小便離家，徒負親恩。願餘生仍健，賴祖功宗德，保我閒身。根觸光陰如水，由來盡浮雲。幸家室尋常，街頭每遇同道人。